

cat. c2.

Lat 129

no 7

R.40  
5/15

~~B. n. 58~~

Sn<sup>r</sup>2







F E D E R I C I

C O M M A N D I N I

V R B I N A T I S

L I B E R D E C E N T R O

G R A V I T A T I S

S O L I D O R V M.



C V M P R I V I L E G I O I N A N N O S X.

B O N O N I A E,

Ex Officina Alexandri Benacii.

M D L X V.





ALEXANDRO FARNESIO  
CARDINALI AMPLISSIMO,  
ET OPTIMO.



VM multæ res in mathematicis  
disciplinis nequaquam satis ad-  
huc explicatæ sint, tum per dif-  
ficilis, & per obscura quæstio  
est de centro grauitatis corpo-  
rum solidorum; quæ, & ad co-  
gnosendum pulcherrima est,  
& ad multa, quæ à mathematicis proponuntur, præ-  
clare intelligenda maximum affert adiumentum. de  
qua neminem ex mathematicis, neque nostra, neque  
patrum nostrorum memoria scriptum reliquisse sci-  
mus. & quamuis in earum monumentis literarum nō  
nulla reperiantur, ex quibus in hanc sententiam addu-  
ci possumus, vt existimemus hanc rem ab iisdē vber-  
rime tractatam esse; tamen nescio quo fato adhuc  
in eiusmodi librorum ignoratione versamur. Archi-  
medes quidem mathematicorū princeps in libello,  
cuius inscriptio est, *μέτρα βάρων ἐπιπίδου*, de centro pla-  
norum copiosissime, atque acutissime conscripsit: &  
in eo explicando summā ingenii, & scientiæ gloriā est  
cōsecutus. Sed de cognitione cētri grauitatis corporū  
solidorū nulla in eius libris litera inuenitur. non mul-  
tos abhinc annos MARCELLVS IL. PONT. MAX.

cum adhuc Cardinalis esset , mihi , quæ sua erat humanitas, libros eiusdem Archimedis de ijs, quæ vehuntur in aqua, latine redditos dono dedit. hos cum ego, ut aliorum studia incitarem, emendandos, & cõmentariis illustrandos suscepissem, animaduerti dubitari non posse, quin Archimedes vel de hac materia scripssisset, vel aliorum mathematicorum scripta perlegisset. nam in ijs tum alia nonnulla, tum maxime illam propositionem, ut euidentem, & aliàs probatam assumit, Centrũ grauitatis in portionibus conoidis rectanguli axem ita diuidere, vt pars, quæ ad verticem terminatur, alterius partis, quæ ad basim dupla sit. Verum hæc ad eam partem mathematicarum disciplinarum præcipue refertur, in qua de centro grauitatis corporum solidorum tractatur. non est autem consentaneum Archimedes illum admirabilem virum hanc propositionem sibi argumentis confirmandam existimaturum non fuisse, nisi eam vel alijs in locis probauisset, vel ab alijs probatam esse comperisset. quamobrem nequid in ijs libris intelligendis desiderari posset, statui hanc etiam partem vel à veteribus prætermisissam, vel tractatam quidem, sed in tenebris iacentem, non intactam relinquere; atque ex assidua mathematicorum, præsertim Archimedis lectione, quæ mihi in mentem venerunt, ea in medium asferre; ut centri grauitatis corporum solidorum, si non perfectam, at certe aliquam noti-

tiam haberemus. Quem meum laborem nō mathematicis solum, verum iis etiam, qui naturæ obscuritate delectantur, nō iniucundam fore speravi: multa enim *αριθμητικῆ* cognitione dignissima, quæ ad utrâque scientiam attinent, sese legentibus obfusissent. neque id vlli mirandum videri debet. ut enim in corporibus nostris omnia membra, ex quibus certa quædam officia nascuntur, diuino quodam ordine inter se implicata, & colligata sunt: in iisq; admirabilis illa conspiratio, quam *τίμωσις* græci vocant, elucescit, ita tres illæ Philosophiæ (ut Aristotelis verbo utar) quæ veritatem solam propositam habent, licet quibusdam quasi finibus suis regantur: tamen earū unaquæque per se ipsam quodammodo imperfecta est: neque altera sine alterius auxilio plene comprehendendi potest. complures præterea mathematicorum nodi ante hac explicatu difficillimi nullo negotio expediti essent: atque (ut vno verbo complectar) nisi mea valde amo, tractationem hanc meam studiosis non mediocrem utilitatem, & magnam voluptatem allaturam esse mihi persuasi. cum autem ad hoc scribendum aggressus essem, allatus est ad me liber Francisci Maurolici Messanensis, in quo vir ille doctissimus, & in iis disciplinis exercitissimus affirmabat se de centro gravitatis corporum solidorum conscripisse. cum hoc intellexissem, sustinui me paulisper: tacitusque expectavi, dum opus cla-

rislimi uiri , quem semper honoris causa nomino ,  
in lucem proferretur : mihi enim exploratissimum  
erat : Franciscum Maurolicum multo doctius , &  
exquisitius hoc disciplinarum genus scriptis suis tra-  
diturum . sed cum id tardius fieret , hoc est , ut ego  
interpretor , diligentius , mihi diutius hac scriptione  
non super sedendum esse duxi , præsertim cum iam li-  
bri Archimedis de iis , quæ ueluntur in aqua , opera  
mea illustrati typis excudendi essent . nec me alia caus-  
sa impulisset , ut de centro grauitatis corporum soli-  
dorum scriberem , nisi ut hac etiam ratione lux eis  
quàm maxime fieri posset afferretur . atq; id eò mihi  
faciendum existimaui , quòd in spem ueniebam fore ,  
ut cum ego ex omnibus mathematicis primus , hanc  
materiam explicandam suscepissem ; si quid errati for-  
te à me commissum esset , boni uiri potius id meæ de-  
studiosis hominibus bene merèdi cupiditati , quàm  
arrogantiæ ascriberent . restabat ut considerarem , cui  
potissimum ex principibus uiris contemplationem  
hanc , nunc primum memoriæ , ac literis proditam de-  
dicarem . harum mearum cogitationum summa fa-  
cta , existimaui nemini conuenientius de centro graui-  
tatis corporum opus dici oportere , quàm ALEX-  
ANDRO FARNESTO grauisissimo , ac prudentissi-  
mo Cardinali , quo in uiro summa fortuna semper cū  
summa uirtute certauit . quid enim maxime in te ad-  
mirari debeant homines , obscurum est ; usum ne re-

rum, qui pueritiæ tempus extremum principium habuisti, & imperiorû, & ad Reges, & Imperatores honorificentissimarum legationum; an excellentiam in omni genere literarum, qui vix adoleſcētulus, quæ homines iam confirmata ætate summo studio, diuturnisq; laboribus didicerunt, scientia, & cognitione comprehendisti: an consilium, & sapientiam in regendis, & gubernandis Ciuitatibus, cuius grauissimæ sententiæ in sanctissimo Reip. Christianæ consilio dictæ, potius diuina oracula, quàm sententiæ habitæ sunt, & habentur. prætermitto liberalitatem, & munificentiam tuam, quam in studiosissimo quoque honestando quotidie magis ostendis, ne videar auribus tuis potius, quàm veritati seruire. quamuis à te in tot præclaros viros tanta beneficia collata sunt, & conferuntur, vt omnibus testatum sit, nihil tibi esse charius, nihil iucundius, quàm eximia tua liberalitate homines ad amplexandam virtutem, licet currentes incitare. nihil dico de ceteris virtutibus tuis, quæ tantæ sunt, quantæ ne cogitatione quidem comprehendi possunt. Quamobrem hæc præcipue de causâ te huius meæ lucubrationis patronum esse volui, quam ea, qua soles, humanitate accipies. te enim semper ob diuinas virtutes tuas colui, & obseruaui: nihilq; mihi fuit optatius; quàm tibi perspectum esse meum erga te animum; singularemq; obseruantiam. cœlum igitur digito attingam, si post grauissimas oc-

cupationes tuas legendo Federici tui libro aliquid  
impertiri temporis non grauaberis : cumq̃; in iis, qui  
tibi semper addicti erunt, numerare . Vale.

Federicus Commandinus .

# FEDERICI COMMANDINI VRBINATIS LIBER DE CENTRO<sup>9</sup>

GRAVITATIS SOLIDORVM.

DEFINITIONES.



ENTRVM grauitatis, Pappus  
Alexandrinus in octauo ma-  
thematicarum collectionum  
libro ita diffiniuit.

λέγουσι δὲ πέντερον τὸ κέντρον ἐστὶν αὐτοῦ τοῦ σώματος εἰς ᾧ ὁμοῖον τι ἐκκλίνει ὕψος, ἀφ' οὗ κατ' ἐκείνου ἀρτῶνται τὰ βάρος ἡμῶν φερόμενον, καὶ φερόσθαι τὴν ἐξ ἀρχῆς θέ-  
ται, δὲ μὴ τινος τινος ὁμοῖον ἵπτι φερέ. hoc est,

Dicimus autem centrum grauitatis uniuscu-  
iusque corporis punctum quoddam intra posi-  
tum, à quo si graue appensum mente concipia-  
tur, dum fertur quiescit; & seruat eam, quam in  
principio habebat positionem: neque in ipsa la-  
tione circumuertitur.

Possumus etiam hoc modo diffinire.

Centrum grauitatis uniuscuiusque solidæ figu-  
ræ est punctum illud intra positum, circa quod  
undique partes æqualium momentorum consi-  
stunt: si enim per tale centrum ducatur planum  
figuratam quomodoque secans semper in par-

tes æqueponderantes ipsam diuidet.

- 2 Prismatici, cylindri, & portionis cylindri axem appello rectam lineam, quæ oppositorum planorum centra grauitatis coniungit.
- 3 Pyramidis, coni, & portionis coni axem dico lineam, quæ à uertice ad centrum grauitatis basis perducitur.
- 4 Si pyramis, conus, portio coni, uel conoidis sectetur plano basi æquidistante, pars, quæ est ad basim, frustum pyramidis, coni, portionis coni, uel conoidis dicetur; quorum plana æquidistantia, quæ opponuntur similia sunt, & inæqualia: axes uero sunt axium figurarum partes, quæ in ipsis comprehenduntur.

#### PETITIONES.

- 1 Solidarum figurarum similium centra grauitatis similiter sunt posita.
- 2 Solidis figuris similibus, & æqualibus inter se aptatis, centra quoque grauitatis ipsarum inter se aptata erunt.

#### THEOREMA I. PROPOSITIO I.

Omnis figuræ rectilinéæ in circulo descriptæ, quæ æqualibus lateribus, & angulis, contine-



tur, centrum grauitatis est idem, quod circuli centrum.

Sit primo triangulum æquilaterum  $abc$  in circulo descriptum: & diuisa  $a c$  bifariam in  $d$ , ducatur  $b d$ . erit in linea  $b d$  centrum grauitatis triânguli  $abc$ , ex tertia decima primi libri Archimedis de centro grauitatis planorum. Et quoniam linea  $ab$  est æqualis lineæ  $bc$ ; &  $a d$  ipsi  $d c$  estq;  $b d$  utrique communis: triângulum  $abd$  æquale erit triângulo  $cbd$ : & anguli angulis æquales, qui æqualibus lateribus subrenduntur. ergo anguli ad  $d$  utriq; recti sunt. quod cum linea  $b d$  secet  $a c$  bifariam, & ad angulos rectos; in ipsa  $b d$  est centrum circuli, quare in eadem  $b d$  linea erit centrum grauitatis triânguli, & circuli centrum. Similiter diuisa  $ab$  bifariam in  $e$ , & ducta  $ce$ , ostendetur in ipsa utrūque centrum contineri. ergo ea crunt in puncto, in quo lineæ  $b d, ce$  conueniunt. triânguli igitur  $abc$  centrum grauitatis est idem, quod circuli centrum.



8. prim.

11. prim.

corol. prim.  
et secus

Sit quadratum  $abcd$  in circulo descriptum: & ducantur  $ac, bd$ , quæ conueniant in  $e$ . ergo punctum  $e$  est centrum grauitatis quadrati, ex decima eiusdem libri Archimedis. Sed cum omnes anguli ad  $a b c d$  recti sint; erit  $abc$  semicirculus: itemq;  $bcd$ : & propterea lineæ  $ac, bd$  diametri circuli:



31. tertii.

que quidem in centro conveniunt. idem igitur est centrum gravitatis quadrati, & circuli centrum.


Sit pentagonum æquilaterum, & æquiangulum in circulo descriptum a b c d e: & iuncta b d, bisariamq; in f divisa, ducatur e f, & producatæ ad circumf. circumferentiam in g; quæ lineam a e in h secet: deinde iungantur a c, e e. Eodem modo, quo supra demonstra-



bimus angulum b c f æqualem esse angulo d c f, & angulos ad f utroque rectos: & ut circulo lineam e f g per circuli centrum transire. Quoniam igitur latera c b, b a, & c d, d e æqualia sunt; & æquales anguli c b a, c d e: erit basis c a basi e e, & angulus b c a angulo d c e æqualis, ergo & reliquus a c h, reliquo e c h. est autem c h utrique triangulo a b h, e c h communis. quare basis a h æqualis est basi h e. & anguli, qui ad h recti suntq; recti, qui ad f. ergo linea a e, b d inter se se æquidistant. Itaque erit trapezij a b d e latera b d, a e æquidistantia à li nea f h bisariam dividantur, Centrum gravitatis ipsius erit in linea f h, ex ultima eiusdem libri Archimedis. Sed trianguli b c d centrum gravitatis est in linea c f ergo in eadem linea, c h est centrum gravitatis trapezij a b d e, & trianguli b c d: hoc est pentagoni ipsius centrum: & centrum circuli. Rursus si iuncta a d, bisariamq; secta in k; ducatur e k l: demonstrabimus in ipsa utrumque centrum in esse. Sequitur ergo, ut punctum, in quo lineæ e g, e l conveniunt, idem sit centrum circuli, & centrum gravitatis pentagoni.

Sit hexagonum a b c d e f æquilaterum, & æquiangulum in circulo designatum: iunganturq; b d, a c: & bisariam se-

ſita b d in g puncto, ducatur e g; & protrahatur ad circuli  
uſque circumſerentiam; quæ ſecet a e in h. Similiter conclu-  
demus e g per centrum circuli tranſire: & biſariam ſecare  
lineam a e; itemq; lineas b d, a e inter ſe æquidistantes eſſe.  
Cum igitur e g per centrum circuli tranſeat; & ad punctū  
f perueniat neceſſe eſt: quòd e d e f ſit dimidium circume-  
rentiæ circuli. Quare in eadem  
diametro e f erunt centra gra-  
uitatis triangulorum b c d,  
a f e, & quadrilateri a b d e, ex  
quibus conſtat hexagonum a b  
c d e f, perſpicuum eſt igitur in  
ipſa e f eſſe circuli centrum, &  
centrum granitatis hexagoni.  
Rurſus ducta altera diametro  
a d, eiſdem rationibus oſtende-  
mus in ipſa utrumque cẽtrum  
ineſſe. Centrum ergo gravita-  
tis hexagoni, & centrum circuli idem erit.



23. Archi-  
medes . .  
p. æquidist.

Sit heptagonum a b c d e f g æquilaterum atque æquian-  
gulum in circulo deſcriptum:  
& iungantur c e, b f, a g: di-  
viſa autem c e biſariam in pũ-  
cto h; & innecta d h produca-  
tur in k. non aliter demon-  
ſtrabimus in linea d k eſſe cen-  
trum circuli, & centrum gra-  
uitatis trianguli c d e, & tra-  
peziorum b c e f, a b f g, hoc  
eſt centrum totius heptago-  
ni: & rurſus eadem centra in  
alia diametro c l ſimiliter du-  
cta contineri. Quare & centrum gravitatis heptagoni, &  
centrum circuli in idem p punctum conueniunt. Eodem mo-



do in reliquis figuris æquilateris, & æquiangulis, quæ in circulo describuntur, probabimus cœtrum gravitatis eorum, & centrum circuli idem esse. quod quidem demonstrare oportebat.

Ex quibus apparet cuiuslibet figuræ rectilinéæ in circulo plane descriptæ centrum gravitatis idẽ esse, quod & circuli centrum.

*γυνή* Figuram in circulo plane descriptam appellamus, cuiusmodi est ea, quæ in duodecimo elementorum libro, propositione secunda describitur. ex æqualibus enim lateribus, & angulis constare perspicuum est.


## THEOREMA II. PROPOSITIO II.

Omnis figuræ rectilinéæ in ellipsi plane descriptæ centrum gravitatis est idem, quod ellipsis centrum.

Quo modo figura rectilinea in ellipsi plane describatur, docuimus in commentarijs in quintam propositionem libri Archimedis de conoidibus, & sphaeroidibus.

Sit ellipsis  $abed$ , cuius maior axis  $ac$ , minor  $bd$ : iunganturq;  $ab$ ,  $bc$ ,  $cd$ ,  $da$ : & bisariam dividantur in punctis  $e$   $fgh$ . à centro autem, quod sit  $k$  ductæ linæ  $ke$ ,  $kf$ ,  $kg$ ,  $kh$  usque ad sectionem in puncta  $lmno$  protrahantur: & iungantur  $lm$ ,  $mn$ ,  $no$ ,  $ol$ , ita ut  $a$   $c$  secet lineas  $lo$ ,  $mn$ , in  $z$   $\phi$  punctis, &  $bd$  secet  $lm$ ,  $on$  in  $\chi$   $\psi$ . erunt  $lk$ ,  $kn$  linea una, itemq; linea una ipsæ  $mk$ ,  $ko$ : & linæ  $ba$ ,  $cd$  æquidistant linæ  $mo$ : &  $bc$ ,  $ad$  ipsi  $ln$ . rursus  $lo$ ,  $mn$  axi  $bd$  æquidistant: &  $lm$ ,

o n ipsi a c. Quoniam enim triangulorum a b k, a d k, lateris b k est æquale lateri k d, & a k utrique commune; anguliq; ad k recti basis a b basi a d; & reliqui anguli reliquis an- a. primi gulis æquales erunt. eadem quoque ratione ostendetur b c æqualis c d; & a b ipsi b c. quare omnes a b, b c, c d, d a sunt æqua- les. & quoniam anguli ad a æquales sunt angulis ad c; erunt anguli b a c, a c d coalterius inter se æquales; itemq; d a c, a c b. ergo c d ipsi b a; & a d ipsi b c æquidistant. At uero cum linee a b, c d inter se æquidistantes bisariam secen- tur in punctis e g; erit li- nea l e k g n diameter se- ctionis, & linea una, ex demonstratis in uigesi- ma octava secundi coni-



corum. Et eadem ratione linea una m f k h o. Sunt autē a d, b c inter se se æquales, & æquidistantes. quare & earum di- midia a h, b f; itemq; h d, f e; & quæ ipsas coniungunt rectæ lineæ æquales, & æquidistantes erunt. æquidistant igitur b a, c d diametro m o; & pariter a d, b c ipsi l n æquidistare o- stendemus. Si igitur manēte diametro a c intelligatur a b c portio ellipsis ad portionem a d c moveri, cum primum b applicuerit ad d, cōgruet tota portio toti portioni, lineaq; b a lineæ a d; & b c ipsi c d congruet: punctum uero e ca- det in h; f in g; & linea k e in lineam k h: & k f in k g. qua- re & e l in h o, et f m in g n. At ipsa l z in x o; et m p in p n cadet. congruet igitur triangulum l k z triangulo o k z: et


33. primi

et primi.

triangulum  $m k o$  triangulo  $n k e$ . ergo anguli  $l z k$ ,  $o z k$ ,  $m o k$ ,  $n k e$  æquales sunt, ac recti. quòd cum etiam recti sint, quia  $d k$ ; æquidistant lineæ  $l o$ ,  $m n$  axi  $b d$ . & ita demonstrabuntur  $l m$ ,  $o n$  ipsi  $a c$  æquidistare. Rursus si iungantur  $a l$ ,  $l b$ ,  $b m$ ,  $m c$ ,  $c n$ ,  $n d$ ,  $d o$ ,  $o a$ : & bisariam dividantur à centro autem  $k$  ad divisiones ductæ lineæ protrahantur usque ad sectionem in puncta  $p q r s t u x y$ : & posremo  $p y$ ,  $q x$ ,  $r u$ ,  $s t$ ,  $q r$ ,  $p s$ ,  $y t$ ,  $x u$  coniungantur. Similiter ostendimus lineas

$p y$ ,  $q x$ ,  $r u$ ,  $s t$  axi  $b d$  æquidistantes esse: &  $q r$ ,  $p s$ ,  $y t$ ,  $x u$  æquidistantes ipsi  $a c$ . Itaque dico harum figurarum in ellipsi descriptarum centrum gravitatis esse punctum  $k$ , idem quod & ellipsis centrum. quadrilateri enim  $a b c d$  centrum est  $k$ , ex decima eiusdem libri Archimedis, quippe cū in eo omnes diametri cōtinentur.

Sed in figura  $a l b m c n d o$ , quoniam trianguli  $a l b$  centrum gravitatis est in linea  $l c$ : trapezij  $a b m o$  centrum in linea  $c k$ : trapezij  $o m c d$  in  $k g$ : & trianguli  $c n d$  in ipsa  $g n$ : serit magnitudinis ex his omnibus constantis, videlicet totius figure centrum gravitatis in linea  $l n$ : & ob eandem causam in linea  $o m$ . est enim trianguli  $a o d$  centrum in linea  $o h$ : trapezij  $a l n d$  in  $h k$ : trapezij  $l b c n$  in  $k f$ : & trianguli  $b m c$  in  $f m$ . cum ergo figure  $a l b m c n d o$  centrum gravitatis sit in linea  $l n$ , & in linea  $o m$ ; erit centrum ipsius punctum  $k$ , in quo



13. Archimedis.

Ultima.




rest in portione, quæ recta linea & obtusianguli conï sectione, seu hyperbola continetur.

## THEOREMA IIII. PROPOSITIO IIII.

IN circulo & ellipsi idem est figuræ & gravitatis centrum.

SIT circulus, uel ellipsis, cuius centrum a. Dico a gravitatis quoque centrum esse. Si enim fieri potest, sit b centrum gravitatis: & iuncta a b extra figuram in c producat: quam uero proportionem habet linea c a ad a b, habeat circulus a ad alium circulum, in quo d; uel ellipsis ad aliam ellipsim: & in circulo, uel ellipsi figura rectilinea plane describatur adeo, ut tandem relinquantur portiones quædam minores circulo, uel ellipsi d; quæ figura sit e f g h k l m n. Illud uero in circulo fieri posse ex duodecimo elementorum libro, propositione secunda manifeste constat; at in ellipsi nos demonstrauimus in commentariis in quintam propositionem Archimedis de conoidibus, & sphaeroidibus. erit igitur a centrum gravitatis ipsius figuræ, quod proxime ostendimus. Itaque quoniam circulus a ad circulum d; uel ellipsis a ad ellipsim d eandem proportionem habet, quam linea c a ad a b: portiones uero sunt minores circulo uel ellipsi d: habebit circulus, uel ellipsis ad portiones maiorem proportionem, quam c a ad a b: & diuidendo figura rectilinea e f g h k l m n ad portiones



habebit

a. quinti.

ip. quinti  
apud Cā  
panum.





habebit maiorem proportionē,  
 quam  $c b$  ad  $b a$ . fiat  $o b$  ad  $b a$ ,  
 ut figura rectilinea ad portio-  
 nes. cum igitur à circulo, uel el-  
 lipsi, cuius gravitatis centrum  
 est  $b$ , auferatur figura rectilinea  
 $e f g h k l m n$ , cuius centrum  $a$ ;  
 reliquæ magnitudinis ex portio-  
 nibus compositz centrum gravi-  
 tatis erit in linea  $a b$  producta,  
 & in puncto  $o$ , extra figuram po-  
 sito. quod quidem fieri nullo mo-  
 do posse perspicuum est. sequi-  
 tur ergo, ut circuli & ellipsis cen-  
 trum gravitatis sit punctum  $a$ ,  
 idem quod figuræ centrum.

# A L I T E R.

Sit circulus, uel ellipsis  $a b c d$ ,  
 cuius diameter  $d b$ , & centrum  $e$ : ducaturq; per  $e$  rectali-  
 nea  $a c$ , secans ipsam  $d b$  ad rectos angulos. erunt  $a d c$ ,  
 $a b c$  circuli, uel ellipsis dimidiæ portiones. Itaque quo-  
 niam por-


tiōis  $a d c$   
 cētrū gra-  
 vitatis est  
 in diame-  
 tro  $d e$ : &  
 portionis  
 $a b c$  cen-  
 trum est  $f$   
 ipsa  $e b$ : to-  
 tius circu-



li, uel ellipsis gravitatis centrum erit in diametro  $d b$ .

Sit autem portionis  $a d c$  cētrum gravitatis  $f$ : & sumatur


B



g. Archi-  
 media.

In lineæ  $e b$  punctū  $g$ , ita ut sit  $g e$  æqualis  $e f$ , erit  $g$  portio-  
 tionis  $a b c$  centrum, nam si hæc portiones, quæ æquales  
 & similes sunt, inter se aptentur, ita ut  $b e$  cadat in  $d e$ ,  
 & punctum  $b$  in  $d$  cadet, &  $g$  in  $f$ : figuris autem æquali-  
 bus, & similibus inter se aptatis, centra quoque gravitatis  
 ipsarum inter se aptata erunt, ex quinta petitione Archi-  
 medis in libro de centro gravitatis planorum. Quare cum  
 portio-  
 nis  $a d c$  centrum gravitatis sit  $f$ : & portio-  
 nis  $a b c$  centrum  $g$ : magnitudinis; quæ ex utrisque efficitur:  
 hoc est circuli uel ellipsis gravitatis centrum in medio li-  
 neæ  $f g$ , quod est  $e$ , consistet, ex quarta propositione eius-  
 dem libri Archimedis. ergo circuli, uel ellipsis centrum  
 gravitatis est idem, quod figuræ centrum. atque illud est,  
 quod demonstrare oportebat.

Ex quibus sequitur portio-  
 nis circuli, uel ellip-  
 sis, quæ dimidia maior sit, centrum gravitatis in  
 diametro quoque ipsius consistere.




Sit enim maior portio  $a b c$ , cuius diameter  $b d$ , & com-  
 plectatur circulus, uel ellipsis, ut portio reliqua sit  $a e c$ , dia-  
 metrum

metrum habens  $e d$ . Quoniam igitur circuli uel ellipsis  $a e c b$  gravitatis centrum est in diametro  $b e$ , & portio-  
nis  $a e c$  centrum in linea  $e d$ : reliquæ portionis, uidelicet  
 $a b e$  centrum gravitatis in ipsa  $b d$  consistat necesse est, ex  
oâtaua propositione eiusdem.

## THEOREMA V. PROPOSITIO V.

SI prisma secetur plano oppositis planis æqui  
distantē, sectio erit figura æqualis & similis ei,  
quæ est oppositorum planorum, centrum graui-  
tatis in axe habens.

Sit prisma, in quo plana opposita sint triangula  $a b c$ ,  
 $d e f$ ; axis  $g h$ : & secetur plano iam dictis planis æquidistā-  
te; quod faciat sectionem  $k l m$ , & axi in puncto  $n$  occurrat.  
Dico  $k l m$  triangulum æquale esse, & simile triangulis  $a b c$   
 $d e f$ ; atque eius gravitatis centrum esse punctum  $n$ . Quo-  
niam cum plana  $a b c$   
 $k l m$  æquidistantia secū-  
tur a plano  $a e c$ ; rectæ li-  
næ  $a b, k l$ , quæ sunt ip-  
sorum cōmunes sectio-  
nes inter se se æquidi-  
stant. Sed æquidistant  
 $a d, b e$ ; cum  $a e$  sit para-  
llogrammum, ex pris-  
matis diffinitione, ergo  
&  $a l$  parallelogrammū  
erit; & propterea linea  
 $k l$ , ipsi  $a b$  æqualis. Si-  
militer demonstrabitur  
 $l m$  æquidistans, & æqua-  
lis  $b c$ ; &  $m k$  ipsi  $c a$ .

12. unde-  
cima.

34. primi



$\alpha$ quidistant autem  $cgo$ ,  $mnp$ , ergo parallelograma sunt  $on$ ,  $gm$ , & linea  $mn$   $\alpha$ qualis  $cg$ ; &  $n$   $p$  ipsi  $go$ . aptatis igitur  $\alpha lm$ ,  $abc$  triagulis, quæ  $\alpha$ qualia & similia sũt; linea  $mp$  in  $co$ , & punctum  $n$  in  $g$  cadet. Quod cũ  $g$  sit centrum gravitatis triaguli  $abc$ , &  $n$  triaguli  $\alpha lm$  gravitatis centrum erit id, quod demonstrandum relinquebatur. Simili ratione idem contingere demonstrabimus in aliis prismatibus, siue quadrilatera, siue plurilatera habeant plana, quæ opponuntur.

## COROLLARIUM.


Ex iam demonstratis perspicue apparet, cuiuslibet prismatis axem, parallelogrammorum lateribus, quæ ab oppositis planis ducũtur  $\alpha$ quidistare.

## THEOREMA VI. PROPOSITIO VI.


Cuiuslibet prismatis centrum gravitatis est in plano, quod oppositis planis  $\alpha$ quidistans, reliquorum planorum latera bifariam diuidit.

Sit prisma, in quo plana, quæ opponuntur sint triagula  $acc$ ,  $bdf$ : & parallelogrammorum latera  $ab$ ,  $cd$ ,  $ef$  bifariam diuidantur in punctis  $ghx$ : per diuisiones autem planum ducatur; cuius sectio figura  $ghx$ . erit linea ss. primi  
 $gh$   $\alpha$ quidistans lineis  $ac$ ,  $bd$  &  $hk$  ipsis  $cc$ ,  $df$  quare ex decimaquinta undecimi elementorum, planum illud planis  $acc$ ,  $bdf$   $\alpha$ quidistabit, & faciet sectionem figuram ipsis  $\alpha$ qualem, & similem, ut proxime demonstrauimus. f. huius  
 Dico centrum gravitatis prismatis esse in plano  $ghx$ . Si enim fieri potest, sit eius centrum  $l$ : & ducatur  $lm$  usque ad planum  $ghx$ , quæ ipsi  $a$   $b$   $\alpha$ quidistet.

2. desini ergo linea a g continenter in duas partes æquales divi-  
 ſa, reſinetur eadem pars aliqua n g, quæ minor erit l m.  
 Vtraque nero linearum a g, g b dividatur in partes æqua-  
 les ipſi n g: & per puncta diſiſionum plana oppoſitis pla-  
 nis æquidistantia ducantur. erunt ſectiones figuræ æqua-  
 les, æ ſimiles ipſis a c c, b d d: & totum priſma diviſum erit  
 in priſmata æqualia, & ſimilia: quæ cum inter ſe congruât;  
 & gravitatis centra ſibi ipſis congruentia, reſpondentiaq;  
 habebunt. Itaq;  
 ſunt magnitudi-  
 nes quædã æqua-  
 les ipſi n h, & nu-  
 mero pares, qua-  
 rum centra gra-  
 vitatis in eadẽ re-  
 ctã linea conſti-  
 tuuntur: duæ ne-  
 ro mediæ æqua-  
 les ſunt: & quæ ex  
 utraque parte i-  
 pſarum ſimili-  
 ter æquales: & æ-  
 quales rectæ li-  
 neæ, quæ inter  
 gravitatis centra  
 interficiuntur.  
 quare ex corolla-  
 rio quintæ pro-  
 poſitionis primi  
 libri Archimedis  
 de centro gra-  
 vitatis planorum; magnitudinis ex his omnibus compoſitæ  
 centrum gravitatis eſt in medio lineæ, quæ magnitudi-  
 num mediarum centra coniungit. at qui non ita res ha-  
 bet,



bet, si quidem  $l$  extra medias magnitudines positum est.  
 Constat igitur centrum gravitatis prismatis esse in plano




$g h k$ , quod nos demonstrandum proposuimus. Ac si opposita plana in prismate sint quadrilatera, vel plurilatera, eadem erit in omnibus demonstratio.


#### THEOREMA VII. PROPOSITIO VII.

Cuiuslibet cylindri, & cuiuslibet cylindri portionis centrum gravitatis est in plano, quod basi-  
 bus æquidistans, parallelogrammi per axem late-  
 ra bifariam secat.

SIT cylindrus, uel cylindri portio  $a c$ : & plano per  $a$  rem ducto secetur; cuius sectio sit parallelogramum  $a b c d$ : & bisariam diuisis  $a d, b c$  parallelogrammi lateribus, per diuisionum puncta  $e f$  planum basi æquidistans ducatur; quod faciet sectionem, in cylindro quidem circulum æqualem iis, qui sunt in basibus, ut demonstrauit Serenus in libro cylindricorum, propositione quinta: in cylindri uero portione ellipsim æqualem, & similem eis, quæ sunt in oppositis planis, quod nos demonstrauimus in commentariis in librum Archimedis de conoidibus, & spheroidibus. Dico centrum grauitatis cylindri, uel cylindri portionis esse in plano  $e f$ . Si enī fieri potest, sit centrum  $g$ : & ducatur  $g h$  ipsi  $a d$  æquidistans, usque ad  $e f$  planum. Itaque linea  $a e$  continenter diuisa bisariam, erit tandem pars aliqua ipsius  $k e$ , minor  $g h$ . Diuidantur ergo lineæ  $a e$ , &  $d$  in partes æquales ipsi  $k e$ : & per diuisiones plana basibus æquidistantia ducantur, etuntiam sectiones, figuræ æquales, & similes eis, quæ sunt in basibus: atque erit cylindrus in cylindros diuisus: & cylindri portio in portiones æquales, & similes ipsi  $k f$ , reliqua similiter, ut superius in prismae concludentur.








## THEOREMA VIII. PROPOSITIO VIII.

Cuiuslibet prismatis, & cuiuslibet cylindri, uel cylindri portionis grauitatis centrum in medio ipsius axis consistit.

Sit primum a prismataequidistantibus planis contentū, quod solidum parallelepipedum appellatur: & oppositorum planorum  $cf, ah, da, fg$  latera bisariam diuidantur in punctis  $k, l, m, n, o, p, q, r, s, t, u, x$ : & per diuisiones ducantur plana  $k, n, o, r, s, x$ . communes autem eorum planorum sectiones sint lineæ  $y, z, \phi, \chi, \psi$ : quæ in puncto  $\omega$  conueniāt. erit ex decima eiusdem libri Archimedis parallelogrammi  $cf$  centrum grauitatis punctum  $y$ ; parallelogrammi  $ah$

centrum  $z$ : parallelogrammi  $mi$  &  $d$ , & parallelogrammi  $fg$ , & parallelogrammi  $dh$ ,  $\chi$ : & parallelogrammi  $cg$  centrū  $z$ : atque erit  $z$  punctum medium uniuscuiusque axis, videlicet eius linearum, quæ oppositorum planorum centra coniungit. Dico  $z$  centrum esse gravitatis ipsius solidi. est enim, ut demonstravimus, solidi  $a$  centrum gravitatis in plano  $Kn$ ; quod oppositis planis  $a d, g$  æquidistans reliquorum planorum latera bifariam dividit: & similiter ratione idem centrum est in plano  $or$ , æquidistante planis  $a c, b$  oppositis. ergo in communi ipsorum sectione: videlicet in linea  $yz$ . Sed est etiam in plano  $tu$ , quod quidem  $yz$  secat in  $z$ . Constat igitur centrum gravitatis solidi esse punctum  $z$ , medium scilicet axium, hoc est linearum, quæ planorum oppositorum centra coniungunt.




4 huius

Sit aliud prima  $a f$ ; & in eo plana, quæ opponuntur, triangula  $ab c, d e f$  & ceterisq; bifariam parallelogrammorum lateribus  $a d, b e, c f$  in punctis  $g h k$ , per divisiones planū ducatur, quod oppositis planis æquidistans faciet sectionē triangulum  $g h k$  æquale, & simile ipsis  $a b c, d e f$ . Rursum dividatur  $ab$  bifariam in  $l$ : & iuncta  $cl$  per ipsam, & per  $c k f$  planum ducatur prisma secans, cuius, & parallelogrammi  $a e$  & communis sectio sit  $l m n$ , dividet punctum  $m$  lineam  $g h$  bifariam; & ita  $n$  dividet lineam  $d e$ : quoniam triangula  $a c l, g k m, d f n$  equalia sunt, & similia, ut supra demonstravimus. Iam ex iis, quæ tradita sunt, constat centrum gravitatis prismatis in plano  $g h k$  contineri. Dico ipsum esse in linea  $k m$ . Si enim fieri potest, sit  $o$  centrum;

5 huius

& per

& per o ducatur o p ad k m ipsi h g æquidistans. Itaque li-  
 nea h m bisariâ usque eò dividatur, quoad reliqua sic pars  
 quedam q m, minor o p. deinde h m, m g dividantur in  
 partes æquales ipsi m q: & per divisiones linee ipsi m K  
 æquidistantes ducantur. puncta uero, in quibus hæc trian-  
 gulorum latera secant, coniungantur ductis lineis r s, t u,



xy; que basi gh æquidistant. Quoniam enim linee gz,  
 h æ sunt æquales: itemq; æquales gm, m h: ut mg ad gz,  
 ita erit m h, ad h æ: & dividendo, ut m æ ad æ g, ita m æ ad  
 æ h. Sed ut m æ ad æ g, ita k r ad r g: & ut m æ ad æ h, ita k s  
 ad s h, quare ut k r ad r g, ita k s ad s h. æquidistant igitur  
 inter se r s, g h. eadem quoque ratione demonstrabimus

1. text.  
 h. quinti  
 2. text.



Itaque solidi parallelepipedī  $\gamma\gamma$  centrum gravitatis est in linea  $\delta\epsilon$ : solidi  $\mu\beta$  centrum est in linea  $\epsilon\iota$ : & solidi  $s z$  in linea  $\epsilon m$ , quæ quidem lineæ axes sunt, cum planorum oppositorum centra coniungant. ergo magnitudinis ex his solidis compositæ centrum gravitatis est in linea  $\delta m$ , quod sit  $\theta$ : & iuncta  $\theta o$  producat: à puncto autem  $h$  ducatur  $h\mu$  ipsi  $m\kappa$  æquidistans, quæ cum  $\theta o$  in  $\mu$  conveniat. triangulum igitur  $gh\kappa$  ad omnia triangula  $gzr$ ,  $r\beta t$ ,  $t\gamma x$ ,  $x\delta k$ ,  $k\theta y$ ,  $y u$ ,  $u s$ ,  $s\alpha h$  eandem habet proportionem, quam  $h m$  ad  $m q$ ; hoc est, quam  $\mu\theta$  ad  $\theta\lambda$ : nam si  $h m$ ,  $\mu\theta$  produci intelligantur, quousque coeant; erit ob linearum  $q y$ ,  $m\kappa$  æquidistantiam, ut  $h q$  ad  $q m$ , ita  $\mu\lambda$  ad  $\lambda\theta$ : & componendo, ut  $h m$  ad  $m q$ , ita  $\mu\theta$  ad  $\theta\lambda$ . linea vero  $\theta o$  maior est, quàm  $\theta\lambda$ : habebit igitur  $\mu\theta$  ad  $\theta\lambda$  maiorem proportionem, quàm ad  $\theta o$ . quare triangulum etiam  $gh\kappa$  ad omnia iam dicta triangula maiorem proportionem habebit, quàm  $\mu\theta$  ad  $\theta o$ . sed ut triangulū  $ghx$  ad omnia triangula, ita totū prismā  $a$  ad omnia prismata  $gzr$ ,  $r\beta t$ ,  $t\gamma x$ ,  $x\delta k$ ,  $k\theta y$ ,  $y u$ ,  $u s$ ,  $s\alpha h$ : quoniam enim solida parallelepipeda æque alta, eandem inter se proportionem habent, quam bases; ut ex trigesima secunda undecimi elementorum constat. sunt autem solida parallelepipeda prismatum triangulares bases habentium dupla sequitur, ut etiam huiusmodi prismata inter se sint, sicut eorum bases. ergo totum prismā ad omnia prismata maiorem proportionem habet, quàm  $\mu\theta$  ad  $\theta o$ : & dividendo solida parallelepipeda  $\gamma\gamma$ ,  $\mu\beta$ ,  $s z$  ad omnia prismata proportionem habent maiorem, quàm  $\mu o$  ad  $o\iota$ . fiat  $\gamma o$  ad  $o\iota$ , ut solida parallelepipeda  $\gamma\gamma$ ,  $\mu\beta$ ,  $s z$  ad omnia prismata. Itaque cum à prismate  $a f$ , cuius cœtrum gravitatis est  $o$ , auferatur magnitudo ex solidis parallelepipedis  $\gamma\gamma$ ,  $\mu\beta$ ,  $s z$  constans: atque ipsius gravitatis centrum sit  $\theta$ : reliquæ magnitudinis, quæ ex omnibus prismatibus constat, gravitatis centrum erit in linea  $\theta o$  producta: & in puncto  $\iota$ , ex octava propositione eiusdem libri Archi-


2. quinti.

28. unde  
eius

25. quinti

12. quinti  
apud Cā  
vanum.

medis . ergo punctum : extra prismā a f positum, centrū  
erit magnitudinis cōpositæ ex omnibus prismatibus g z r,  
r ß t, t γ x, x ð k, k ð y, y u, u s, s e h, quod fieri nullo modo po-  
test. est enim ex definitione centri um gravitatis solidæ figu-  
ræ intra ipsām positum, non extra. quare relinquitur, ut cē-  
trum gravitatis prismatis sit in lineā K m. Rursus b c bifā-  
riam in ξ dividatur : & ducta a ξ, per ipsām, & per lineam  
a g d planum ducatur ; quod prismā secet : faciatq; in paral-  
lelogrammo b f sectionem ξ π dividet punctum π lineam  
quoque c f bifariam : & erit plani eius, & trianguli g h K  
communis sectio g u ; quòd pūctum u in medio lineæ h K




positum sit t. Similiter demonstrabimus centrum gravita-  
tis prismatis in ipsā g u inesse . sit autem planorum e f n l ;  
a d π ξ communis sectio lineā ρ σ τ ; quæ quidem prismatis  
axis erit, cum transeat per centra gravitatis triangulorum  
a b c, g h x, d e f, ex quartadecima eiusdem . ergo centrum  
gravitatis prismatis a f punctum σ , centrum scilicet  
trianguli

trianguli  $ghK$ , & ipsius  $p\tau$  axis medium.

Sit prisma  $ag$ , cuius opposita plana sint quadrilatera  $abcd$ ,  $efgh$ : secenturque  $a$   $e$ ,  $b$   $f$ ,  $c$   $g$ ,  $d$   $h$  bifariam: & per divisiones planum ducatur, quod sectionem faciat quadrilaterum  $klmn$ . Deinde iuncta  $a$   $c$  per lineas  $a$   $c$ ,  $a$   $e$  ducatur planum secans prisma, quod ipsum dividet in duo prismata triangulares bases habentia  $abc$   $efg$ ,  $adc$   $ehg$ . Sint autem

triangulorum  $abc$ ,  $efg$  gravitatis centra  $o$   $p$ : & triangulorum  $adc$ ,  $ehg$  centra  $q$   $r$ : iunganturque  $o$   $p$ ,  $q$   $r$ , quæ plano  $klmn$  occurrant in punctis  $s$   $t$ . erit ex iis, quæ demonstravimus, punctum  $s$  gravitatis centrum trianguli  $klm$ ; & ipsius prismatis  $abc$   $efg$ : punctum vero  $t$  centrum gravitatis trianguli  $k n m$ , & prismatis  $adc$ ,  $ehg$ . iunctis igitur  $o$   $q$ ,  $p$   $r$ ,  $s$   $t$ , erit in linea  $o$   $q$  centrum gravitatis quadrilateri  $abcd$ , quod sit  $u$ : & in linea  $p$   $r$  centrum quadrilateri  $efgh$  sit autem  $x$ . denique iungatur  $u$   $x$ , quæ secet lineam  $ft$  in  $y$ . scabit enim cum sint in eodem




(huius).

plano: atque erit  $y$  gravitatis centrum quadrilateri  $klmn$ . Dico idem punctum  $y$  centrum quoque gravitatis esse totius prismatis. Quoniam enim quadrilateri  $klmn$  gravitatis centrum est  $y$ : lineas  $y$   $ad$   $y$   $r$  eandem proportionem habebit, quam triangulum  $k n m$  ad triangulum  $klm$ , ex 8 Archimedis de centro gravitatis planorum. Ut autem triangulum  $k n m$  ad ipsum  $klm$ , hoc est ut triangulum  $adc$  ad triangulum  $abc$ , æqualia enim sunt, ita prisma  $adc$   $ehg$ .

D

ad prismam  $abc\ efg$ , quare linea  $s$  ad  $y$  t eandem proportionem habet, quam prismam  $ad\ c\ e\ h\ g$  ad prismam  $ab\ c\ e\ fg$ . Sed prismatis  $ab\ c\ e\ fg$  centrum gravitatis est  $s$ ; & prismatis  $ad\ c\ e\ h\ g$  centrum  $t$ , magnitudinis igitur ex his compositæ, hoc est totius prismatis  $a\ g$  centrum gravitatis est punctum  $y$ ; medium scilicet axis  $u\ x$ , qui oppositorum planorum centra coniungit.


Rursus sit prismam basim habens pentagonum  $abcde$ ; & quod ei opponitur sit  $fg\ h\ k\ l$ ; secanturq;  $af$ ,  $bg$ ,  $ch$ ,  $dk$ ,  $el$  bisariam: & per divisiones ducto plano, sectio sit pentagonum  $m\ n\ o\ p\ q$ . deinde iuncta  $e\ b$  per lineas  $l\ e$ ,  $e\ b$  aliud planum ducatur, dividens prismam  $a\ k$  in duo prismata, in prismas scilicet  $a\ l$ , cuius plana opposita sint triangula  $a\ b\ e$  &  $fg\ h$ ; & in prismam  $b\ k$ , cuius plana opposita sint quadrilatera  $b\ c\ d\ e$  &  $g\ h\ k\ l$ . Sint autem triangulorum  $a\ b\ e$ ,  $fg\ h$  centra gravitatis puncta  $r\ s$ ; &  $b\ c\ d\ e$ ,  $g\ h\ k\ l$  quadrilaterorum centra  $t\ u$ , iunganturq;  $r\ s$ ,  $t\ u$  occurrentes plano  $m\ n\ o\ p\ q$  in punctis  $x\ y$ . & itidem iungatur  $r\ t$ ,  $s\ u$ ,  $x\ y$  erit in linea  $t$  centrum gravitatis pentagoni  $abcde$ ; quod sit  $z$ ; & in linea  $s\ u$  centrum pentagoni  $fg\ h\ k\ l$  sit autem  $\lambda$ ; & ducatur  $z\ \lambda$ , quæ dicto plano in  $\phi$  occurrat. Itaq; punctum  $x$  est centrum gravitatis trianguli  $m\ n\ q$ , ac prismatis  $a\ l$ ; &  $y$  gravitatis centrum quadrilateri  $n\ o\ p\ q$ , ac prismatis  $b\ k$ . quare  $y$  centrum erit pentagoni  $m\ n\ o\ p\ q$ . & similiter





similiter demonstrabitur totius prismatis a  $K$  gravitatis esse centrum, Simili ratione & in aliis prismatibus illud idem facile demonstrabitur. Quo autem pacto in omni figura rectilinea centrum gravitatis inveniatur, docuimus in commentariis in sextam propositionem Archimedis de quadratura parabolæ.

Sit cylindrus, uel cylindri portio  $c e$  cuius axis  $a b$ : seceturq; plano per axem ducto; quod sectionem faciat parallelogrammum  $c d e f$ : & diuisis  $c f$ ,  $d e$  bisariam in punctis



$g h$ , per ea ducatur planum basi æquidistans. erit sectio  $g h$  circulus, uel ellipsis, centrum habens in axe, quod sit  $K$ : atque erunt ex iis, quæ demonstrauimus, centra gravitatis planorum oppositorum puncta  $a b$ : & plani  $g h$  ipsum  $k$ , in quo quidem plano est centrum gravitatis cylindri, uel cylindri portionis. Dico punctum  $K$  cylindri quoque, uel cylindri portionis gravitatis centrum esse. Si enim fieri potest, sit  $l$  centrum: ducaturq;  $k l$ , & extra figuram in  $m$  producat. quam uero proportionem habet linea  $m K$  ad  $k J$

4. hinc.


D a

habeat circulus, uel ellipsis  $g h$  ad aliud spacium, in quo ut  
& in circulo, uel ellipsi plane describatur rectilinea figura,  
ita ut tãdem relinquatur portiones minores spacio  $n$ , quæ  
sit  $o p g q r s h$  & descripta; simili figura in oppositis pla-  
nis  $c d$ ,  $f e$ , per lineas sibi ipsis respondentes plana ducatur.  
Itaque cylindrus, uel cylindri portio diuiditur in prismã,  
cuius quidem basis est figura rectilinea iam dicta, centrum  
que grauitatis punctum  $K$ ; & in multa solida, quæ pro basi-  
bus habent relictas portiones; quas nos solidas portiones  
appellabimus. cum igitur portiones sint minores spacio  
 $n$ , circulus, uel ellipsis  $g h$  ad portiones maiorem propor-  
tionem habebit, quàm linea  $m k$  ad  $K l$ . fiat  $n k$  ad  $K l$ , ut  
circulus uel ellipsis  $g h$  ad ipsas portiones. Sed ut circulus  
uel ellipsis  $g h$  ad figuram rectilineam in ipsa descri-  
ptam, ita est cylindrus uel cylindri portio  $c e$  ad prismã,  
quod rectilineam figuram pro basi habet, & altitudinem  
æqualem; id, quod infra demonstrabitur. ergo per conuer-  
sionem rationis, ut circulus, uel ellipsis  $g h$  ad portiones re-  
lictas, ita cylindrus, uel cylindri portio  $c e$  ad solidas por-  
tiones, quare cylindrus uel cylindri portio ad solidas por-  
tiones eandem proportionem habet, quàm linea  $n k$  ad  $k l$   
& diuidendo prismã, cuius basis est rectilinea figura ad so-  
lidas portiones eandem proportionem habet, quàm  $n l$  ad  
 $l k$ , & quoniam a cylindro uel cylindri portione, cuius gra-  
uitatis centrum est  $l$ , aufertur prismã basim habens rectili-  
neam figurã, cuius centrũ grauitatis est  $K$ : residua magnitu-  
dinis ex solidis portionibus cõpositæ grauitatis centrũ erit  
in linea  $k l$  protracta, & in puncto  $n$ ; quod est absurdũ. relin-  
quitur ergo, ut centrũ grauitatis cylindri; uel cylindri por-  
tionis sit punctũ  $k$ . quæ omnia demonstrada proposuimus.

At uero cylindrum, uel cylindri portionẽ  $c e$   
ad prismã, cuius basis est rectilinea figura in spa-  
cio  $g h$  descripta, & altitudo æqualis; eandem ha-  
bere

bere proportionem, quam spaciū  $gh$  ad dictā figuram, hoc modo demonstrabimus.


Intelligatur circulus, uel ellipsis  $x$  æqualis figuræ rectiliner in  $gh$  spacio descriptæ: & ab  $x$  constituitur conus, uel




coni portio, altitudinē habens eandē, quā cylindrus uel cylindri portio  $c$ . Sit deinde rectilinea figura, in qua  $y$  eadē, quæ in spacio  $gh$  descripta est: & ab hac pyramis æque alta constituatur. Dico conū uel coni portione  $x$  pyramidi  $y$  æqualē esse. nisi enim sit æqualis, uel maior, uel minor erit.

Sit primum maior, et exuperet solido  $z$ . Itaque in circulo, uel ellipsi  $x$  describatur figura rectilinea; & in ea pyramis eandem, quam conus, uel coni portio altitudinem habens, ita ut portiones reliquæ minores sint solido  $z$ , quemadmodum docetur in duodecimo libro elementorum propositione undecima. erit pyramis  $x$  adhuc pyramide  $y$  maior. & quoniam pyramides æque altæ inter se sunt, sicuti bases, pyramis  $x$  ad pyramidem  $y$  eandem proportionem habet, quā figura rectilinea  $x$  ad figuram  $y$ . Sed figura recti-

ad duode-  
cimum.



linea  $x$  cum sit minor circulo, uel ellipsi, est etiam minor figura rectilinea  $y$ . ergo pyramis  $x$  pyramide  $y$  minor erit. Sed & maior; quod fieri nō potest. At si conus, uel conī portio  $x$  ponatur minor pyramide  $y$ : sit alter conus æque altus, uel altera conī portio  $x$  ipsi pyramidi  $y$  æqualis. erit eius basis circulus, uel ellipsis maior circulo, uel ellipsi  $x$ , quorum excessus sit spatium  $a$ . Si igitur in circulo, uel ellipsi  $x$  figura rectilinea describatur, ita ut portiones reliquæ sint  $a$  spacio minores, cuiusmodi figura adhuc maior erit circulo, uel ellipsi  $x$ , hoc est figura rectilinea  $y$ . & pyramis in ea constituta minor cono, uel conī portione  $x$ , hoc est minor pyramide  $y$ . est ergo ut  $x$  figura rectilinea ad figuram rectilineam  $y$ , ita pyramis  $x$  ad pyramidem  $y$ . quare cum figura rectilinea  $x$  sit maior figura  $y$ : erit & pyramis  $x$  pyramide  $y$  maior. sed erat minor; quod rursus fieri non potest. non est igitur conus, uel conī portio  $x$  neque maior, neque minor pyramide  $y$ . ergo ipsi necessario est æqualis. Itaque quoniam ut conus ad conum, uel conī portio ad co



ni portionem, ita est cylindrus ad cylindrum, uel cylindri portio ad cylindri portionem: & ut pyramis ad pyramidem, ita prisma ad prisma, cum eadem sit basis, & æqualis altitudo; erit cylindrus uel cylindri portio  $x$  prismati  $y$  æqualis, estq; ut spaciū  $g h$  ad spaciū  $x$ , ita cylindrus, uel cylindri portio  $c e$  ad cylindrum, uel cylindri portionē  $x$ . Constat igitur cylindrum uel cylindri portionē  $c e$ , ad prisma  $y$ , quippe cuius basis est figura rectilinea in spacio  $g h$  descripta, eandem proportionem habere, quam spaciū  $g h$  habet ad spaciū  $x$ , hoc est ad dictam figuram. quod demonstrandum fuerat. 7. quinti

#### THEOREMA IX. PROPOSITIO IX.


Si pyramis secetur plano basi æquidistante; sectio erit figura similis ei, quæ est basis, centrum grauitatis in axe habens.

10. unde  
cimi

10. undeci  
mi.

10. unde-  
cimi  
10. unde-  
cimi


SIT pyramis, cuius basis triangulum  $abc$ ; axis  $de$ : & secetur plano basi æquidistante; quod sectionē faciat  $fg h$ ; occurratq; axi in puncto  $\kappa$ . Dico  $fg h$  triangulum esse, ipsi  $abc$  simile; cuius gravitatis centrum est  $K$ . Quoniā enim duo plana æquidistantia  $abc$ ,  $fg h$  secantur à plano  $ade$ ; communes eorum sectiones  $ab$ ,  $fg$  æquidistantes erunt: & eadem ratione æquidistantes ipsæ  $bc$ ,  $gh$ : &  $ca$ ,  $hf$ . Quod cum duæ lineæ  $fg$ ,  $gh$ , duabus  $ab$ ,  $bc$  æquidissent, nec sint in eodem plano; angulus ad  $g$  æqualis est angulo ad  $b$ : & similiter angulus ad  $h$  angulo ad  $c$ : angulusq; ad  $f$  ei, qui ad  $a$  est æqualis. triangulum igitur  $fg h$  simile est triangulo  $abc$ . At uero punctum  $\kappa$  centrum esse gravitatis trianguli  $fg h$  hoc modo ostendemus. Ducantur plana per axem, & per lineas  $da$ ,  $db$ ,  $dc$ : erunt communes sectiones  $f\kappa$ ,  $ae$  æquidistantes: pariterq;  $\kappa g$ ,  $eb$ ; &  $\kappa h$ ,  $ec$ : quare angulus  $\kappa f h$  angulo  $ca c$ ; & angulus  $\kappa f g$  ipsi  $ca b$  est æqualis. Eadem ratione anguli ad  $g$  angulis ad  $b$ : & anguli ad  $h$  iis, qui ad  $c$  æquales erunt. ergo puncta  $e$  &  $K$  in triangulis  $abc$ ,  $fg h$  similiter sunt posita, per sextam positionem Archimedis in libro de centro gravitatis planorum. Sed cum  $e$  sit centrum gravitatis trianguli  $abc$ , erit ex undecima propositione eiusdem libri, &  $K$  trianguli  $fg h$  gravitatis centrum. id quod demonstrare oportebat. Non aliter in ceteris pyramidibus, quod propositum est demonstrabitur.



## PROBLEMA I. PROPOSITIO X.

DATA qualibet pyramide, fieri potest, ut figura solida in ipsa inscribatur, & altera circumscribatur ex prismatibus æqualem altitudinem habentibus, ita ut circumscripta inscriptam excedat magnitudine, quæ minor sit quacunque solida magnitudine proposita.

Sit pyramis, cuius basis triangulū  $a b c$ ; axis  $d e$ . Sitq; prismā, quod eandē basim habeat, & axem eundem. Itaque hoc prismate continenter secto bifariam, plano basi æquidistantē, relinquetur rēdem prismā quoddam minus proposita magnitudine: quod quidem basim eandem habeat, quam pyramis, & axem  $e f$ . diuidatur  $d e$  in partes æquales ipsi  $e f$  in punctis  $g h$  &  $i m n$ : & per diuisiones planā ducātur: quæ basibus æquidistant, erunt sectiones, triangula ipsi  $a b c$  similia, ut proxime ostendimus. ab uno quoque autē horum triangulorum duo prismata cōstruantur; unum quidem ad partes  $e$ ; alterum ad



partes d. in pyramide igitur inscripta erit quædam figura, ex prismatibus æqualem altitudinem habentibus cõstans, ad partes e: & altera circumscripta ad partes d. Sed unumquodque eorum prismatum, quæ in figura inscripta continentur, æquale est prismati, quod ab eodem fit triangulo in figura circumscripta: nam prisma p q prismati p o est æquale; prisma s t æquale prismati s r; prisma x y prismati x u; prisma v f prismati v z; prisma µ τ prismati µ λ; prisma ρ σ prismati ρ τ; & prisma φ χ prismati φ τ æquale. relinquitur ergo, ut circumscripta figura exuperet inscriptâ prismate, quod basim habet a b c triangulum, & axem e f. Illud uero minus est solida magnitudine proposita. Eadẽ ratione inscribetur, & circumscribetur solida figura in pyramide, quæ quadrilateram, uel plurilaterâ basim habeat.


## PROBLEMA II. PROPOSITIO XL

**DAT O** cono, fieri potest, ut figura solida inscribatur, & altera circumscribatur ex cylindris æqualem habentibus altitudinem, ita ut circumscripta superet inscriptam, magnitudine, quæ solida magnitudine proposita sit minor.

**SIT** conus, cuius axis b d: & secetur plano per axem ducto, ut sectio sit triangulum a b c: intelligaturq; cylindrus, qui basim eandem, & eundem axem habeat. Hoc igitur cylindro continenter bifariam secto, relinquetur cylindrus minor solida magnitudine proposita. Sit autem is cylindrus, qui basim habet circulum circa diametrum a c, & axem d e. Itaque diuidatur b d in partes æquales ipsi d e in punctis f g h k l m: & per ea ducantur plana conum secantia; quæ basi æquidistant. erunt sectiones circuli, centra in axi habentes, ut in primo libro conicorum, propositione




tionem quarta Apollonius demonstravit. Si igitur à singulis horum circularum, duo cylindri fiant; unus quidem ad basim partes; alter ad partes uerticis: inscripta erit in cono solida quædam figura, & altera circumscripta ex cylindris æqualem altitudinem habentibus constans; quorum unusquisque, qui in figura inscripta continetur æqualis est ei, qui ab eodem fit circulo in figura circumscripta. Itaque cylindrus  $o p$  æqualis est cylindro  $o n$ ; cylindrus  $r s$  cylindro  $r q$ ; cylindrus  $u x$  cylindro  $u t$  est æqualis; & alii aliis similiter. quare constat circumscriptam figuram superare inscriptam cylindro, cuius basis est circulus circa diametrum  $a c$ , & axis  $d e$ . atque hic est minor solida magnitudine proposita.



### PROBLEMA III. PROPOSITIO XII.

DATA conij portione, potest solida quædam figura inscribi, & altera circumscribi ex cylindri portionibus æqualem altitudinem habentibus; ita ut circumscripta inscriptam exuperet, magnitudine, quæ minor sit solida magnitudine proposita.

Figuram cuiusmodi, & inscribemus, & circumscribemus, ita ut in cono dictum est.




### PROBLEMA IIII. PROPOSITIO XIII.

DATA sphaeræ portione, quæ dimidia sphaera maior non sit, potest solida quædam portio inscribi & altera circumscribi ex cylindris æqualem altitudinem habentibus, ita ut circumscripta inscriptam excedat magnitudine, quæ solida magnitudine proposita sit minor.

HOC etiam eodem prorsus modo fiet: acque ut ab Archimede traditum est in conoidum, & sphaeroidum portionibus, propositione vigesima prima libri de conoidibus, & sphaeroidibus.

THEO




## THEOREMA X. PROPOSITIO XIII.

Cuiuslibet pyramidis, & cuiuslibet coni, uel  
coni portionis, centrum grauitatis in axe cōsistit.


SIT pyramis, cuius basis triangulum  $abc$ : & axis  $de$ .  
Dico in linea  $de$  ipsius grauitatis centrum inesse. Si enim  
fieri potest, sit centrum  $f$ : & ab  $f$  ducatur ad basim pyrami-  
dis linea  $fg$ , axi æquidistans: iunctaq;  $cg$  ad latera trian-  
guli  $abc$  producat in  $h$ . quam uero proportionem ha-  
bet linea  $he$  ad  $cg$ , habeat pyramis ad aliud solidum, in  
quo  $K$ : inscribaturq; in pyramide solida figura, & altera cir-  
cumscribatur ex prismatibus æqualem habentibus altitu-  
dinem, ita ut circumscripta inscriptam exuperet magnitu-  
dine, quæ solidò  $k$  sit minor. Et quoniam in pyramide pla-  
num basi æquidistans ductum sectionem facit figuram si-  
milem ei, quæ est basis; centrumq; grauitatis in axe haben-  
tem: erit prismatis  $st$  grauitatis centrū in linea  $rq$ ; pris-  
matis  $ux$  centrum in linea  $qp$ , prismatis  $yz$  in linea  $po$ ;  
prismatis  $vd$  in linea  $on$ ; prismatis  $λμ$  in linea  $nm$ ; pris-  
matis  $vx$  in  $ml$ ; & denique prismatis  $ρσ$  in  $le$ . quare to-

rius figuræ inscriptæ centrum grauitatis est in linea  $r e$  :  
 quod sit  $\tau u$  :  
 Et quæ  $\tau f$ , &  
 producta, à  
 puncto  $h$  du-  
 catur linea  $a x$   
 pyramidis  
 æquidistans,  
 quæ cū linea  
 $\tau f$  conueniat  
 in  $\phi$ . habebit  
 $\phi \tau$  ad  $\tau f$  ean-  
 dem propor-  
 tionem, quā  
 $h e$  ad  $e g$ .  
 Quoniam igitur  
 excessus,  
 quo circūscri-  
 pta figura in-  
 scriptam superat,  
 minor est  
 solido  $\kappa$ ; py-  
 ramis ad eun-  
 dē excessū ma-  
 iorē propor-  
 tionē habet,  
 quā ad  $\kappa$  so-  
 lidum: uideli-  
 cet maiorem,  
 quā linea  $h$   
 $e$  ad  $e g$ ; hoc  
 est quā  $\phi \tau$   
 ad  $\tau f$ : & propterea multo maiorem habet ad partem ex-  
 cessus, quæ intra pyramidem comprehenditur. Itaque ha-  
 beat



beat eam, quam  $\chi \tau$  ad  $\tau f$ . erit diuidendo ut  $\chi f$  ad  $f \tau$ , ita si gura solida inscripta ad partem excessus, quæ est intra pyramidem. Cum ergo à pyramide, cuius grauitatis cêtrum est punctum  $f$ , solida figura inscripta auferatur, cuius centrû  $\tau$ : reliquæ magnitudinis constantis ex parte excessus, quæ est intra pyramidem, centrum grauitatis erit in linea  $\tau f$  producta, & in puncto  $\chi$ . quod fieri non potest. Sequitur igitur, ut centrum grauitatis pyramidis in linea  $d e$ ; hoc est in eius axe consistat.

Sit conus, uel conî portio, cuius axis  $b d$ : & secetur plano per axem, ut sectio sit triangulum  $a b c$ . Dico centrum grauitatis ipsius esse in linea  $b d$ . Sit enim, si fieri potest, centrû




$e$ : per  $q$ ;  $e$  ducatur  $e f$  axi æquidistans: & quam proportionem habet  $c d$  ad  $d f$ , habeat conus, uel conî portio ad solidum  $g$ . inscribatur ergo in cono, uel conî portione soli.





In sphaera, & sphaeroides idem est grauitatis, & figurae centrum.

Secetur sphaera, uel sphaeroides plano per axem ducto; quod sectionem faciat circulum, uel ellipsim  $a b c d$ , cuius diameter, & sphaerae, uel sphaeroidis axis  $d b$ ; & centrum  $e$ . Dico  $e$  grauitatis etiam centrum esse. secetur enim altero plano per  $e$ , ad planum secans recto, cuius sectio sit circulus circa diametrum  $a c$ , erunt  $a d c$ ,  $a b c$  dimidiae portiones sphaerae, uel sphaeroidis. & quoniam portiones  $a d c$  grauitatis centrum est in linea  $d$ , & centrum portiones  $a b c$  in ipsa  $b c$ ; totius sphaerae, uel sphaeroidis grauitatis centrum in axe  $d b$  consistet. Quod si portiones  $a d c$  centrum grauitatis ponatur esse  $f$ , & fiat ipsi  $f e$  aequalis  $e g$ ; punctum  $g$  por-



per 1. p.  
positionem

4 Arch.  
medis.


tionis  $a b c$  centrum erit. Solidis enim figuris similibus & aequalibus inter se aptatis, & centra grauitatis ipsarum inter se aptenter necesse est. ex quo fit, ut magnitudinis, quae ex utroque collat, hoc est ipsius sphaerae, uel sphaeroidis grauitatis centrum sit in medio lineae  $f g$ , uid. licet in  $e$ . Sphaera igitur, uel sphaeroidis grauitatis centrum est idem, quod centrum figurae.

Ex



Ex demonstratis perspicue apparet, portioni sphaerae uel sphaeroidis, quae dimidia maior est, centrum grauitatis in axe consistere.

Data enim qualibet maiori portioe, quoniam totius sphaerae, uel sphaeroidis grauitatis centrum est in axe; est autem & in axe centrum portio-  
nis minoris: reliquae portio-  
nis uidelicet maioris centrum in axe neces-  
sario consistet.



# THEOREMA XIII. PROPOSITIO XVII.

Cuiuslibet pyramidis trian-  
gularcm basim habetis gra-  
uitatis centrum est in pun-  
cto, in quo ipsius axes con-  
ueniunt.

Sit pyramis, cuius basis trian-  
gulum  $abc$ , axis  $de$ : sitq; trian-  
guli  $bdc$  grauitatis centrum  $f$ :  
& iungatur  $a$   $f$ . erit &  $a$  saxis eius-  
dem pyramidis ex tertia defini-  
tione huius. Itaque quoniam centrum grauitatis est in  
axe  $de$ ; est autem & in axe  $af$ , quod proxime demonstraui





mus: erit utique gravitatis centrum pyramidis punctum  
g: in quo scilicet ipsi axes conveniunt.

THEOREMA XIII. PROPOSITIO XVIII.

SI solidum parallelepipedum secetur plano  
basibus æquidistante: erit solidum ad solidum,  
sicut altitudo ad altitudinem, uel sicut axis ad  
axem.

Sit solidum parallelepe-  
dum a b c d e f g h, cuius axis  
 $\kappa$  l: seceturq; plano basibus  
æquidistante, quod faciat  
sectionem m n o p; & axi in  
puncto q occurrat. Dico  
solidum g m ad solidum m c  
eam proportionem habere,  
quam altitudo solidi g m ha-  
bet ad solidi m c altitudi-  
nem; uel quam axis  $\kappa$  q ad  
axem q l. Si enim axis K l ad  
basis planum sit perpendicu-  
laris, & linea g c, quæ ex quin-  
ta huius ipsi k l æquidistat,  
perpendicularis erit ad idẽ  
planum, & solidi altitudi-  
nem dimetietur. Itaque so-  
lidum g m ad solidum m c  
eam proportionem habet,  
quam parallelogrammũ g n  
ad parallelogrammũ n c,  
hoc est quam linea g o, quæ



a: undecim  
mil.

i. sexti.

est


est solidi  $gm$  altitudo ad  $o$  e altitudinem solidi  $m$  e, uel quā axis  $kq$  ad  $ql$  axem. Si uero axis  $k$  non sit perpendicularis ad planum basis; ducatur a puncto  $k$  ad idem planum perpendicularis  $kr$ , occurrēs plano  $mno$   $p$  in  $s$ . Similiter demonstrabimus solidum  $gm$  ad solidū  $m$  e ita esse, ut axis  $kq$  ad axem  $ql$ . Sed ut  $Kq$  ad  $ql$ , ita  $k$  s altitudo ad altitudinem  $s$  r; nam lineæ  $Kl$ ,  $Kr$  à planis æquidistantibus in eadem proportionem secantur. ergo solidum  $gm$  ad solidum  $m$  e eandē proportionem habet, quam altitudo ad altitudinē, uel quam axis ad axem. quod demonstrare oportebat.

17. undecimā

### THEOREMA XV. PROPOSITIO XIX.

Solida parallelepipeda in eadem basi, uel in æqualibus basibus constituta eam inter se proportionem habent, quam altitudines: & si axes ipsorum cum basibus æquales angulos contineant, eam quoque, quam axes proportionem habebūt.

Sint solida parallelepipeda in eadē basi cōstituta  $abcd$ ,  $abef$ : & sit solidi  $abcd$  altitudo minor: producat autem planum  $c$  d adeo, ut solidum  $abef$  secet; cuius sectio sit  $gh$ . erūt solida  $abcd$ ,  $abgh$  in eadem basi, & æquali altitudine inter se æqualia. Quoniā igitur solidum  $abef$  secatur plano basibus æquidistāte, erit solidum  $gh$  e f ad ipsum  $abgh$



18. undecimā

18. huius

7. quinti. ut altitudo ad altitudinem : & componendo convertendo que solidum a b g h, hoc est solidum a b c d ipsi æquale, ad solidum a b e f, ut altitudo solidi a b c d ad solidi a b e f altitudinem.



Sint solida parallelepipeda a b, c d in æqualibus basibus constituta. sitq; b e altitudo solidi a b : & solidi c d altitudo d f; quæ quidem maior sit, quàm b e. Dico solidum a b ad solidum c d eandem habere proportionem, quam b e ad d f, abscindatur enim à linea d f æqualis ipsi b e, quæ sit g f : & per g ducatur planum secans solidum c d, quod a basibus æquidistat, faciatq; sectionē h k. erunt solida a b, c k æque alta inter

se æqualia  
cū æqua-  
les bases  
habeant.



12. huius Sed solidū  
h d ad soli-  
dum c k  
est, ut alti-  
tudo d g  
ad g f alti-  
tudinē; se-

catur enim solidum c d plano basi-  
bus æquidistante : & rursus cōpo-  
nendo, convertendoq; solidū c k  
ad solidum c d, ut g f ad f d. ergo  
solidum a b, quod est æquale ipsi  
c k ad solidum c d eam proportio-  
nem habet, quam altitudo g f, hoc  
est b e ad d f altitudinem.

7. quinti. Sint deinde solida parallelepipe-  
da a b, a c in eadem basi; quorum  
axes d e, f e cum ipsa æquales angu-



los contineant. Dico solidum  $ab$  ad solidum  $ac$  eandem habere proportionem, quam axis  $de$  ad axem  $cf$ . Si enim axes in eadem recta linea fuerint constituti, hæc duo solida, in unum, atque idem solidum convenient. quare ex iis, quæ proxime tradita sunt, habebit solidum  $ab$  ad solidum  $ac$  eandem proportionem, quam axis  $de$  ad  $cf$  axem. Si vero axes non sint in eadem recta linea, demittantur a punctis  $d$ ,  $f$  perpendicularares ad basis planum,  $dg$ ,  $fh$ : & iungantur  $eg$ ,  $eh$ . Quoniam igitur axes cum basibus æquales angulos continent, erit  $d e g$  angulus æqualis angulo  $f e h$ : & sunt anguli  $ad g$   $h$  recti, quare, & reliquus  $e d g$  æqualis erit reliquo  $e f h$ : & triangulum  $d e g$  triangulo  $f e h$  simile: ergo  $g d$  ad  $d e$  est, ut  $h f$  ad  $f e$ : & permutando  $g d$  ad  $h f$ , ut  $d e$  ad  $e f$ . Sed solidum  $ab$  ad solidum  $ac$  eandem proportionem habet, quam  $d g$  altitudo ad altitudinē  $f h$ . ergo & eandē habebit, quā axis  $d e$  ad  $e f$  axē. Postremo sint solida parallelepipeda  $ab$ ,  $cd$  in



æqualibus basibus, quorum axes cum basibus æquales angulos faciant. Dico solidum  $a b$  ad solidū  $c d$  ita esse, ut axis  $e f$  ad axem  $g h$ : nam si axes ad planum basis recti sint, illud perspicue constat: quoniam eadem linea, & axem & solidi altitudinem determinabit. Si uero sint inclinati, à punctis  $e g$  ad subiectum planum perpendiculares ducantur  $e k, g l$ : & iungantur  $k l, h l$ . rursus quoniam axes cum basibus æquales faciunt angulos, eodem modo demonstrabitur, triangulum  $e f k$  triangulo  $g h l$  simile esse: &  $e k$  ad  $g l$ , ut  $e f$  ad  $g h$ . Solidum autem  $a b$  ad solidum  $c d$  est, ut  $e k$  ad  $g l$ . ergo & ut axis  $e f$  ad axem  $g h$ . quæ omnia demonstrare oportebat.

Ex iis quæ demonstrata sunt, facile constare potest, prismata omnia & pyramides, quæ triangulares bases habent, siue in eisdem, siue in æqualibus basibus constituentur, eandem proportionem habere, quam altitudines: & si axes cum basibus æquales angulos contineant, similiter eandem, quam axes, habere proportionem: sunt enim solida parallelepipeda prismatum triangulares bases habentiū dupla; & pyramidum sextupla.

II, quinti

28. undecimi.  
7. duodecimi.


#### THEOREMA XVI. PROPOSITIO XX.

Prismata omnia & pyramides, quæ in eisdem, uel æqualibus basibus constituuntur, eam inter se proportionem habent, quam altitudines: & si axes cum basibus faciant angulos æquales, eam etiam, quam axes habent proportionem.

Sint

Sint duo prismata a e, a f, quorum eadem basis quadrilatera a b c d: sitq; prismatis a e altitudo e g; & prismatis a f altitudo f h. Dico prismata a e ad prismata a f eam habere proportionem, quam e g ad f h. iungatur enim a c: & in unoquoque prismate duo prismata intelligantur, quorum bases sint triangu-

la a b c, a c d. habebunt duo prismate in eadem basi a b c constituta, proportionem eandem, quam ipsorum altitudines e g, f h, ex iam demonstratis. & similiter alia duo, quæ sunt in basi a





c d. quare totum prismata a e ad prismata a f eandem proportionem habebit, quam altitudo e g ad f h altitudinem. Quod cum prismata sint pyramidum tripla, & ipsæ pyramides, quarum eadem est basis quadrilatera, & altitudo prismatum altitudini æqualis, eam inter se proportionem habebunt, quam altitudines.

Si vero prismata bases æquales habeant, nō easdem, sint duo eiusmodi prismata a e, f l: & sit basis prismatis a e quadrilaterum a b c d; & prismatis f l quadrilaterum f g h k. Dico prismata a e ad prismata f l ita esse, ut altitudo illius ad huius altitudinem. nam si altitudo sit eadem, intelligatur duæ pyramides a b c d e, f g h k l. quæ inter se æquales erūt, cum æquales bases, & altitudinem eandem habeant. quare & prismata a e, f l, quæ sunt harū pyramidum tripla, æqualia sint necesse est. ex quibus perspicue constat propositū. Si vero altitudo prismatis f l sit maior, à prismate f l abscindatur prismata m, quod æquē altum sit, atq; ipsum a e,

11. quinti

6. duodecimi  
15. quinti



erunt eadem ratione prismata  $a$  &  $e$ ,  $f$  in inter se æqualia: quare similiter demonstrabitur prismata  $f$  in ad prismata  $f$  l eandem habere proportionem, quam prismatis  $f$  in altitudo ad altitudinem ipsius  $f$  l. ergo & prismata  $a$  &  $e$  ad prismata  $f$  l eandem proportionem habebit, quam altitudo ad altitudinem. sequitur igitur ut & pyramides, quæ in æqualibus basibus constituantur, eandem inter se se, quam altitudines, proportionem habeant.



Sint deinde prismata  $a$  &  $e$ ,  $f$  in eadem basi  $a$  b c d; quorū axes cum basibus æquales angulos contineant: & sit prismatis




matis a e axis  $gh$ ; & prismatis a f axis  $hl$ . Dico prismam  
 a e ad prismam a f eam proportionem habere, quam  $gh$  ad  
 $hl$  ducantur à punctis  $g$   $l$  perpendiculares ad basis pla-  
 num  $gk$ ,  $lm$ : & iungantur  $kh$ ,  
 $hm$ . Itaque quoniam anguli  $ghk$ ,  
 $hlm$  sunt æquales, similiter ut  
 supra demonstrabimus, triangu-  
 la  $ghk$ ,  $hlm$  similia esse; & ut  $gk$   
 ad  $lm$ , ita  $gh$  ad  $hl$ . habet au-  
 tem prismam a e ad prismam a f eam  
 dem proportionem, quam altitu-  
 do  $gk$  ad altitudinem  $lm$ , sicuti  
 demonstratum est. ergo & ean-  
 dem habebit, quam  $gh$  ad  $hl$ . py-  
 ramis igitur a b c d g ad pyrami-  
 dem a b c d l eandem proportio-  
 nem habebit, quam axis  $gh$  ad  $hl$  axem.



Denique sint prismata a e, k o in æqualibus basi-  
 bus a b c d, k l m n constituta; quorum axes cum basi-  
 bus æquales faciant angulos: sitq; prismatis a e axis  $fg$ , & altitudo  $fh$ :  
 prismatis autem k o axis  $pq$ , & altitudo  $pr$ . Dico prismam  
 a e ad prismam k o ita esse, ut  $fg$  ad  $pq$ . iunctis enim  $gh$ ,

q r, eodem, quo supra, modo ostendimus f g ad p q, ut f h ad p r. sed prismata e ad ipsum k o est, ut f h ad p r. ergo & ut f g axis ad axem p q. ex quibus fit, ut pyramis a b c d f ad pyramide k l m n p eandem habeat proportionem, quam axis ad axem. quod demonstrandum fuit.

Simili ratione in aliis prismatibus & pyramidibus eadem demonstrabuntur.




# THEOREMA XVII. PROPOSITIO XXI.

Prismata omnia, & pyramides inter se proportionem habent compositam ex proportionem basium, & proportionem altitudinum.

Sint duo prismata a e, g m: sitq; prismatis a e basis quadrilaterum a b c d, & altitudo e f: prismatis vero g m basis quadrilaterum g h k l, & altitudo m n. Dico prismata a e ad prismata g m proportionem habere compositam ex proportionem basium a b c d ad basim g h k l, & ex proportionem altitudinis e f ad altitudinem m n.

Sint enim primum e f, m n aequales: & ut basis a b c d ad basim g h k l, ita fiat linea, in qua o ad lineam, in qua p: ut autem e f ad m n, ita linea p ad lineam q. erunt lineae p q inter se aequales. Itaque prismata a e ad prismata g m eadem pro


proportionem habet, quam basis  $abcd$  ad basim  $ghkl$ : si enim intelligantur duæ pyramides  $abcde, ghklm$ , habebunt hæ inter se proportionem eandem, quam ipsarum bases ex sexta duodecimi elementorum. Sed ut basis  $abcd$  ad  $ghkl$  basim, ita linea  $o$  ad lineam  $p$ ; hoc est ad lineam  $q$  ei æqualem. ergo prisma  $aec$  ad prisma  $gm$  est, ut linea  $o$  ad lineam  $q$ . proportio autem  $o$  ad  $q$  cõposita est ex proportionem  $o$  ad  $p$ , & ex proportionem  $p$  ad  $q$ . quare prisma  $aec$  ad prisma  $gm$ , & idcirco pyramis  $abcde$ , ad pyramidem  $ghklm$  proportionem habet ex eisdem proportionibus compositam, uidelicet ex proportionem basis  $abcd$  ad basim  $ghkl$ , & ex proportionem altitudinis  $ef$  ad  $m$  n altitudinem. Quod si lineæ  $e, fm$  n inæquales ponantur, sit  $e$   $f$  minor: & ut  $e$   $f$  ad  $m$   $n$ , ita fiat linea  $p$  ad lineam  $u$ : de



inde ab ipsa  $m$  n abscindatur  $rn$  æqualis  $e$   $f$ : & per  $r$  ducatur planum, quod oppositis planis æquidistans faciat sectionem  $st$ . erit prisma  $aec$  ad prisma  $gt$ , ut basis  $abcd$  ad basim  $ghkl$ ; hoc est ut  $o$  ad  $p$ : ut autem prisma  $gt$  ad prisma  $gm$ , ita altitudo  $rn$ ; hoc est  $e$   $f$  ad altitudinem  $m$   $n$ ; uidelicet linea  $p$  ad lineam  $u$ . ergo ex æquali prisma  $aec$  ad prisma  $gm$  est, ut linea  $o$  ad ipsam  $u$ . Sed proportio  $o$  ad  $u$  cõposita est ex proportionem  $o$  ad  $p$ , quæ est basis  $abcd$  ad basim  $ghkl$ ; & ex proportionem  $p$  ad  $u$ , quæ est altitudinis  $e$   $f$  ad altitudinem  $m$   $n$ . prisma igitur  $aec$  ad prisma  $gm$

20. huius

compositam proportionem habet ex proportione basiū,  
& proportione altitudinum . Quare & pyramis, cuius ba-  
sis est quadrilaterum  $a b c d$ , & altitudo  $e f$  ad pyramidem,



cuius basis quadrilaterum  $g h k l$ , & altitudo  $m n$ , compo-  
sitam habet proportionem ex proportione basium  $a b c d$ ,  
 $g h k l$ , & ex proportione altitudinum  $e f, m n$ . quod qui-  
dem demonstrasse oportebat .

E x iam demonstratis perspicuum est, prisma  
ta omnia, & pyramides , in quibus axes cum basi-  
bus æquales angulos continent , proportionem  
habere compositam ex basium proportionem , &  
proportionem axium . demonstratum est enim , a-  
xes inter se eandem proportionem habere, quam  
ipsæ altitudines.

THEOREMA XVIII. PROPOSITIO XXII.

C V I V S L I B E T pyramidis, & cuiuslibet coni,  
ucl

uel coni portionis axis à centro grauitatis ita diuiditur, ut pars, quæ terminatur ad uerticem reliquæ partis, quæ ad basim, sit tripla.

Sit pyramis, cuius basis triangulum  $abc$ ; axis  $de$ ; & grauitatis centrum  $K$ . Dico lineam  $dk$  ipsius  $ke$  triplam esse. trianguli enim  $bdc$  centrum grauitatis sit punctum  $f$ ; triânguli  $adc$  centrū  $g$ ; & trianguli  $adb$  sit  $h$ ; & iungantur  $af$ ,  $bg$ ,  $ch$ . Quoniam igitur centrū grauitatis pyramidis in axe consistit: suntq;  $de$ ,  $af$ ,  $bg$ ,  $ch$  eiusdē pyramidis axes: conuenient omnes in idē punctū  $k$ , quod est grauitatis centrum. Itaque animo concipiamus hanc pyramidem diuisam in quatuor pyramides, quarum bases sint ipsa pyramidis

17. huius

triangula; & axis punctum  $k$  quæ quidem pyramides inter se æquales sunt, ut demonstrabitur.

Ducatur enī per lineas  $dc$ ,  $de$  planum secās, ut sit ipsius, & basis  $abc$  cōmunis sectio recta linea  $ce$   $l$ : eiusdē uero & triânguli  $adb$  sit linea  $dh$   $l$ . erit linea  $al$  æqualis ipsi  $lb$ : nam centrum grauitatis trianguli consistit in linea, quæ ab angulo ad dimidiam basim perducitur, ex tertia decima Archimedis. quare triangulum  $acl$  æquale est triangulo  $bcl$ : & propterea pyramis, cuius basis triangulum  $acl$ , uertex  $d$ , est æqualis pyramidi, cuius basis  $bcl$  triangulum, & idem uertex. pyramides enim, quæ ab eodē



1. secti.

1. duodecimi.


sunt uertice, eandem proportionem habent, quam ipsarū bases. eadem ratione pyramis  $acl$   $k$  pyramidi  $bcl$   $x$ : & pyramis  $adi$   $k$  ipsi  $bdl$   $x$  pyramidi æqualis erit. Itaque si à pyramide  $acl$   $d$  auferantur pyramides  $acl$   $k$ ,  $adi$   $k$ : & à pyramide  $bcl$   $d$  auferantur pyramides  $bcl$   $x$ ,  $bdl$   $k$ : quæ reliquantur erunt æqualia. æqualis igitur est pyramis  $acd$   $x$  pyramidi  $bcd$   $k$ . Rursus si per lineas  $ad$ ,  $d$   $e$  ducatur planum quod pyramidem secet: sitque eius & basis communis sectio  $aem$ : similiter ostendetur pyramis  $abd$   $K$  æqualis pyramidi  $acd$   $x$ , ducto denique alio plano per lineas  $ca$ ,  $af$ : ut eius, & trianguli  $cdb$  communis sectio sit  $efn$ , pyramis  $abc$   $k$  pyramidi  $acd$   $x$  æqualis demonstrabitur. cū ergo tres pyramides  $bcd$   $k$ ,  $abd$   $k$ ,  $abc$   $k$  uni, & eidem pyramidi  $acd$   $k$  sint æquales, omnes inter se se æquales erūt. Sed ut pyramis  $abc$   $d$  ad pyramidem  $abc$   $x$ , ita  $d$   $e$  axis ad axem  $xc$ , ex uigesima propositione huius: sunt enim hæ pyramides in eadem basi, & axes cum basibus æquales continent angulos, quòd in eadem recta linea consituantur. quare diuidendo, ut tres pyramides  $acd$   $k$ ,  $bcd$   $k$ ,  $abd$   $K$  ad pyramidem  $abc$   $K$ , ita  $d$   $k$  ad  $Ke$ . constat igitur lineam  $dK$  ipsius  $Ke$  triplam esse. sed &  $ax$  tripla est  $Kf$  itemque  $bK$  ipsius  $Kg$ : &  $cx$  ipsius  $xl$  tripla. quod eodem modo demonstrabimus.

Sit pyramis, cuius basis quadrilaterum  $abcd$ ; axis  $ef$ : & diuidatur  $e$   $fin$   $g$ , ita ut  $eg$  ipsius  $g$   $f$  sit tripla. Dico centrum grauitatis pyramidis esse punctum  $g$ . ducatur enim: linea  $bd$  diuidens basim in duo triangula  $abd$ ,  $bcd$ : ex quibus intelligantur cōstitui duæ pyramides  $abd$   $e$ ,  $bcd$   $e$ : sitque pyramidis  $abd$   $e$  axis  $eh$ ; & pyramidis  $bcd$   $e$  axis  $ek$ : & iungatur  $hk$ , quæ per  $f$  tranſibit: est enim in ipsa  $hK$  centrum grauitatis magnitudinis compositæ ex triangulis  $abd$ ,  $bcd$ , hoc est ipsius quadrilateri. Itaque centrum grauitatis pyramidis  $abcd$   $e$  sit punctum  $f$ : & pyramidis  $bcd$   $e$  sit  $m$ . ducta igitur  $lm$  ipsi  $hm$  lineæ æquidistantiam  $el$  ad  $lh$



& denique punctum  $h$  pyramidis  $a b c d e f$  gravitatis esse centrum, & ita in alijs.

Sic conus, uel conī portio axem habens  $b d$ : seceturque plano per axem, quod sectionem faciat triangulum  $a b c$ : &  $b d$  axis diuidatur in  $e$ , ita ut  $b e$  ipsius  $e d$  sit tripla. Dico punctum  $e$  conī, uel conī portionis; gravitatis esse centrum. Si enim fieri potest, sit centrum  $f$ : & producat̃  $e f$  extra figuram in  $g$ , quam uero proportionem habet  $g e$  ad  $e f$ , habeat basis conī, uel conī portionis, hoc est circulus, uel ellipsis circa diametrum  $a c$  ad aliud spacium, in quo  $h$ . Itaque in circulo, uel ellipsi plane describatur rectilinea figura  $a k l m c n o p$ , ita ut quæ relinquuntur portiones sint minores spacio  $h$ : & intelligatur pyramis basim habens rectilineam figuram  $a k l m c n o p$ , & axem  $b d$ ; cuius quidem gravitatis centrum erit punctum  $e$ , ut iam demonstrauimus. Et quoniam portiones sunt minores spacio  $h$ , circulus, uel ellipsis ad portiones ma-



jo rem proportionem habet, quam  $g e$  ad  $e f$ . sed ut circulus, uel ellipsis ad figuram rectilineam sibi inscriptam, ita conus, uel conī portio ad pyramidem, quæ figuram rectilineam pro basī habet; & altitudinem æqualem: etenim su-

pra



pra demonstratum est, ita esse cylindrum, uel cylindri portionem ad prismam, cuius basis rectilinea figura, & æqualis altitudo. ergo per conuersionem rationis, ut circulus, uel ellipsis ad portiones, ita conus, uel coni portio ad portiones solidas. quare conus uel coni portio ad portiones solidas maiorem habet proportionem, quam  $g e$  ad  $e f$ . & diuidendo, pyramis ad portiones solidas maiorem proportionem habet, quam  $g f$  ad  $f e$ . fiat igitur  $q f$  ad  $f e$  ut pyramis ad dictas portiones. Itaque quoniam à cono uel coni portione, cuius grauitatis centrum est  $f$ , auferatur pyramis, cuius centrum  $e$ ; reliquæ magnitudinis, quæ ex solidis portionibus constat, centrum grauitatis erit in linea  $e f$  protracta, & in puncto  $q$ . quod fieri non potest: est enim centrum grauitatis intra. Constat igitur coni, uel coni portionis grauitatis centrum esse punctum  $e$ , quæ omnia demonstrare oportebat.

## THEOREMA XIX. PROPOSITIO XXIII.

QVODLIBET frustum à pyramide, quæ triangularem basim habeat, abscissum, diuiditur in tres pyramides proportionales, in ea proportionē, quæ est lateris maioris basis ad latus minoris ipsi respondens.

Hoc demonstrauit Leonardus Pisanus in libro, qui de praxi geometriæ inscribitur. Sed quoniam is adhuc impressus non est, nos ipsius demonstrationem breuiter perstringemus, rem ipsam secuti, non uerba. Sit frustum pyramidis  $ab c d e f$ , cuius maior basis triangulum  $a b c$ , minor  $d e f$ : & iunctis  $a e$ ,  $e e$ ,  $c d$ , per lineas  $a e$ ,  $e e$  ducatur planum secans frustum: itemque per lineas  $e e$ ,  $c d$ ; & per  $c d$ , da alia plana ducantur, quæ diuidant frustum in tres pyramides  $a b c e$ ,  $a d e e$ ,  $d e f e$ .


1. sexti.

7. duodeci  
an.

11. quinti.

4. sexti.

Dico eas proportionales esse in proportione, quæ est lateris  $ab$  ad latus  $de$ , ita ut earum maior sit  $abce$ , media  $adce$ , & minor  $defc$ . Quoniam enim linea  $de$   $ab$  æquidistant; & inter ipsas sunt triangula  $abe$ ,  $ade$ ; erit triangulum  $abe$  ad triangulum  $ade$ , ut linea  $ab$  ad lineam  $de$ . ut autem triangulum  $abe$  ad triangulum  $ade$ , ita pyramis  $abce$  ad pyramidem  $adce$ ; habent enim altitudinem eandem, quæ est à puncto  $c$  ad planum, in quo quadrilaterum  $abed$ . ergo ut  $ab$  ad  $de$ , ita pyramis  $abce$  ad pyramidem  $adce$ . Rursus quoniam æquidistantes sunt  $ac$ ,  $df$ ; erit eadem ratione pyramis  $adce$  ad pyramidem  $edfc$ , ut  $ac$  ad  $df$ . Sed ut  $ac$  ad  $df$ , ita  $ab$  ad  $de$ , quoniam triangula  $abc$ ,  $def$  similia sunt, ex nona hujus. quare ut pyramis  $abce$  ad pyramidem  $adce$ , ita pyramis  $adce$  ad ipsam  $edfc$ . frustum igitur  $abcedf$  dividitur in tres pyramides proportionales in ea proportionem, quæ est lateris  $ab$  ad  $de$  latus, & earum maior est  $abce$ , media  $adce$ , & minor  $edfc$ . quod demonstrare oportebat.



PROBLEMA V. PROPOSITIO XXIII.

QVODLIBET frustum pyramidis, uel conii, uel conii portionis, plano basi æquidistanti ita secare, ut sectio sit proportionalis inter maiorem, & minorem basim.

Sic

SIT frustum pyramidis a c, cuius maior basis triangulum a b c, minor d e f: & oporteat ipsum plano, quod basi æquidistat, ita secare, ut sectio sit proportionalis inter triângula a b c, d e f: Inveniatnr inter lineas a b, d e media proportionalis, quæ sit b g: & à puncto g erigatur g h æquidistans b c, secansq; a d in h: deinde per h ducatur planum basibus æquidistans, cuius sectio sit triângulum h k l. Dico triângulum h k l proportionale esse inter triângula a b c, d e f, hoc est triângulum a b c ad triângulum h k l eandem habere

proportionem, quam triângulum h k l ad ipsum d e f. Quotia enim lineæ a b, h k æquidistantiû planorum sectiones inter se æquidistant; atque æquidistant b k, g h: lineæ h k ipsi g b est æqualis: & propterea proportionalis inter a b, d e, quare ut a b ad d e, ita est h k ad d e, fiat ut h k ad d e, ita d e ad aliam lineam, in qua sit m. erit ex æquali ut a b ad d e, ita h k ad m. Et quoniam triângula a b c, h k l, d e f similia sunt; triânguli a b c ad triângulum h k l est, ut lineæ a b ad lineam d e: triângulû autem h k l ad ipsum d e f est, ut h k ad m: ergo triângulum a b c ad triângulum h k l eandem proportionem habet, quam triângulum h k l ad ipsum d e f. Eodem modo in aliis frustis pyramidis idem demonstrabitur.

Sit frustum conî, uel conî portionis a d: & secetur plano per axem, cuius sectio sit a b c d, ita ut maior ipsius basis sit circulus, uel ellipsis circa diametrum a b; minor circa c d. Rursus inter lineas a b, c d inveniatur proportionalis b e; & ab e ducta e f æquidistante b d, quæ lineam c a in f secet,



15. unde  
cuius

34. primi

¶ huius  
corol.  
20. sexti

12. quinti

12. duode-  
cimo

per  $f$  planum basisbus æquidistantis ducatur, ut sit sectio cir-  
culus, uel ellipsis circa diametrum  $fg$ . Dico sectionem  $a b$   
ad sectionem  $fg$  eandem proportionem habere, quam  $fg$   
ad ipsam  $cd$ . Simili enim ratione, qua supra, demonstrabitur  
quadratum  $a b$  ad quadratum  $fg$  ita esse, ut quadratū  
 $fg$  ad  $cd$  quadratum. Sed circuli inter se eandem propor-  
tionem habent, quam diametrorum quadrata. ellipses au-  
tem circa  $a b, fg, cd$ , quæ similes sunt, ut ostendimus in cō-  
mentariis in principium libri Archimedis de conoidibus,  
& sphaeroidibus, eam habet proportionem, quam quadra-  
ta diametrorum, quæ eiusdem rationis sunt, ex corollario  
septimæ propositionis eiusdem li-  
bri. ellipses enim nunc appello ip-  
sa spacia ellipsis contenta. ergo  
circulus, uel ellipsis  $a b$  ad circulū,  
uel ellipsim  $fg$  eam proportionem  
habet, quam circulus, uel ellipsis  
 $fg$  ad circulum uel ellipsim  $cd$ .  
quod quidem faciendum propo-  
suimus.




# THEOREMA XX. PROPOSITIO XXV.

43

QVODLIBET frustum pyramidis, uel coni,  
uel coni portionis ad pyramidem, uel conum, uel  
coni portionem, cuius basis eadem est, & æqualis  
altitudo, eandem proportionē habet, quam utræ  
que bases, maior, & minor simul sumptæ vnà cū  
ea, quæ inter ipsas sit proportionalis, ad basim ma-  
iorem.

Sit

SIT frustum pyramidis, nel conî, uel conî portionis a d, cuius maior basis a b, minor e d. & secetur altero plano basi æquidistante, ita ut sectio e f sit proportionalis inter bases a b, e d. constituatur autem pyramis, uel conus, uel conî portio a g b, cuius basis sit eadem, quæ basis maior frustû, & altitudo æqualis. Dico frustum a d ad pyramidem, nel conum, uel conî portionem a g b eandem proportionem habere, quàm utræque bases, a b, e d unum cum e f ad basim a b. est enim frustum a d æquale pyramidi, uel cono, uel conî portioni, cuius basis ex tribus basibus a b, e f, e d constât; & altitudo ipsius altitudini est æqualis: quod mox ostendemus. Sed pyramides, conî, uel conî portiones, quæ sunt æquali altitudine, eadem inter se, quam bases, proportionem habent, sicuti demonstratum est, partim ab Euclide in duodecimo libro elementorum, partim à nobis in cõmentariis in undecimam propositionem Archimedis de conoidibus, & spheroidibus. quare pyramis, uel conus, uel conî portio, cuius basis est tribus illis basibus æqualis ad a g b eam habet proportionem, quam bases a b, e f, e d ad a b basim. Frustum igitur a d ad a g b




6. 11. duo  
decimi

pyramidem, uel conum, uel coni portionem eandem proportionem habet, quam bases  $a b$ ,  $c d$  unà cum  $e f$  ad basim  $a b$ . quod demonstrare uolebamus.

Frustum uero  $a d$  æquale esse pyramidi, uel cono, uel coni portioni, cuius basis constat ex basibus  $a b$ ,  $c d$ ,  $e f$ , & altitudo frusti altitudini est æqualis, hoc modo ostendemus.

Sit frustum pyramidis  $a b c d e f$ , cuius maior basis triangulum  $a b c$ ; minor  $d e f$ ; & secetur plano basi-  
bus æquidistante, quod sectionem faciat triangulum  $g h i$  inter trian-  
gula  $a b c$ ,  $d e f$  proportionale. Iam ex iis, quæ demonstrata  
sunt in 23. huius, patet frustum  $a b c d e f$  diuidi in tres pyra-  
midēs proportionales; & earum maiorem esse pyramidem  
 $a b c d$  minorem uero  $d e f b$ . ergo pyramis à triangulo  $g h i$   
cōstitutā, quæ altitudinem habeat frusti altitudini æqua-  
lem, proportionalis est inter pyramides  $a b c d$ ,  $d e f b$ : &  
idcirco frustum  $a b c d e f$  tribus dictis pyramidibus æqua-  
le erit. Itaque si intelligatur alia pyra-  
mis æque alta, quæ basim habeat ex trian-  
gulis basibus  $a b c$ ,  $d e f$ ,  $g h i$  constan-  
tem; perspicuum est ipsam eisdem py-  
ramidibus, & propterea ipsi frusto æ-  
qualem esse.

Rursus sit frustum pyramidis  $a g$ , cu-  
ius maior basis quadrilaterum  $a b c d$ ,  
minor  $e f g h$ ; & secetur plano basi-  
bus æquidistante, ita ut fiat sectio qua-  
drilaterum  $k l m n$ , quod sit proportio-  
nale inter quadrilatera  $a b c d$ ,  $e f g h$ . Dico pyramidem,  
cuius basis sit æqualis tribus quadrilateris  $a b c d$ ,  $k l m n$ ,  
 $e f g h$ , & altitudo æqualis altitudini frusti, ipsi frusto  $a g$   
æqualem esse. Ducatur enim planum per lineas  $f b$ ,  $b d$ ,  
quod






9. huius

1. duode-  
cimi.7. de co-  
noidibus  
& sphæ-  
roidibus

producantur. Quoniam igitur pyramis secatur planis basi æquidistantibus, sectiones similes erunt: atque erunt quadrata, uel rectangula circa circulos, uel ellipses descripta, quemadmodum & in ipsa basi. Sed cum circuli inter se eā proportionem habeant, quam diametrorum quadrata: itemq; ellipses eam quam rectangula ex ipsarum diametris constantia: & sit circulus, uel ellipsis circa diametrum  $e f$



proportionalis inter circulos, uel ellipses  $a b, c d$ ; erit rectangulum  $e f$  etiam inter rectangula  $a b, c d$  proportionale: per rectangulum enim nunc breuitatis causa etiam ipsum quadratum intelligemus. quare ex iis, quæ proxime dicta sunt, pyramis basim habens æqualem dictis rectangulis, & altitudinem eandem, quam frustum  $a d$ , ipsi frusto à pyramide abscisso æqualis probabitur. ut autem rectangulum  $c d$  ad rectangulum  $e f$  ita circulus, uel ellipsis  $c d$  ad  $e f$  circulum, uel ellipsum componendo; ut rectangula  $c d, e f$  ad  $c f$  rectangulum, ita circuli, uel ellipses  $c d, e f$  ad  $c f$ : & ut rectangulum  $e f$  ad rectangulum  $a b$ , ita circulus, uel ellipsis  $c f$  ad  $a b$  circulum, uel ellipsum. ergo ex æquali, & componendo, ut rectangula  $c d, e f$  ad ipsum  $a b$ , ita circuli,



colli, uel ellipses  $c d, e f$  ab ad eirculum, uel ellipsim  $a b$ . Intelligatur pyramis  $q$  basim habens æqualem tribus rectangulis  $a b, e f, c d$ ; & altitudinem eadẽm, quam frustum  $a d$ . intelligatur etiam conus, uel coni portio  $q$ , eadem altitudine, cuius basis sit tribus circulis, uel tribus ellipsis  $a b, e f, c d$  æqualis. postremo intelligatur pyramis  $a l b$ , cuius basis sit rectangulum  $m n o p$ , & altitudo eadem, quæ frusti: item  $q$ , intelligatur conus, uel coni portio  $a l b$ , cuius basis circulus, uel ellipsis circa diametrum  $a b$ , & eadem altitudo. ut igitur rectangula  $a b, e f, c d$  ad rectangulum  $a b$ , ita pyramis  $q$  ad pyramidem  $a l b$ ; & ut circuli, uel ellipses  $a b, e f, c d$  ad  $a b$  eirculum, uel ellipsim, ita conus, uel coni portio  $q$  ad conum, uel coni portionem  $a l b$ . conus igitur, uel coni portio  $q$  ad conum, uel coni portionem  $a l b$  est; ut pyramis  $q$  ad pyramidem  $a l b$ : sed pyramis  $q l b$  ad pyramidem  $a g b$  est, ut altitudo ad altitudinem, ex 20. huius: & ita est conus, uel coni portio  $a l b$  ad conum, uel coni portionem  $a g b$  ex 14. duodecimi elementorum, & ex iis, quæ nos demonstrauimus in commentariis in undecimam de conoidibus, & sphaeroidibus, propositione quarta. pyramis autem  $a g b$  ad pyramidem  $e g d$  proportionem habet compositam ex proportionem basium & proportionem altitudinum, ex uigesima prima huius: & similiter conus, uel coni portio  $a g b$  ad conum, uel coni portionem  $e g d$  proportionem habet compositam ex eisdem proportionibus, per ea, quæ in dictis commentariis demonstrauimus, propositione quinta, & sexta: altitudo enim in utrisque eadem est, & bases inter se eandem habent proportionem. ergo ut pyramis  $a g b$  ad pyramidem  $e g d$ , ita est conus, uel coni portio  $a g b$  ad  $a g d$  conum, uel coni portionem: & per conuersionem rationis, ut pyramis  $a g b$  ad frustum à pyramide abscissum, ita conus uel coni portio  $a g b$  ad frustum  $a d$ . ex æquali igitur, ut pyramis  $q$  ad frustum à pyramide abscissum, ita conus uel coni portio  $q$  ad

6. et duo  
decimi

frustum a d. Sed pyramis q æqualis est frusto à pyramide abscisso, ut demonstrauius. ergo & conus, uel coni portio q, cuius basis ex tribus circulis, uel ellipsis a b, e f, c d constat, & altitudo eadem, quæ frusti: ipsi frusto a d est æqualis. atque illud est, quod demonstrare oportebat.

## THEOREMA XXI. PROPOSITIO XXVI.


C V I V S L I B E T frusti à pyramide, uel cono, uel coni portione abscissi, centrum grauitatis est in axe, ita ut eo primum in duas portiones diuiso, portio superior, quæ minorem basim attingit ad portionem reliquam eam habeat proportionem, quam duplum lateris, uel diametri maioris basis, vñ à cum latere, uel diametro minoris, ipsi respondente, habet ad duplum lateris, uel diametri minoris basis vñ à cū latere, uel diametro maioris: deinde à puncto diuisionis quarta parte superioris portionis in ipsa sumpta: & rursus ab inferioris portionis termino, qui est ad basim maiorem, sumpta quarta parte totius axis: centrum sit in linea, quæ his finibus continetur, atque in eo lineæ puncto, quo sic diuiditur, ut tota linea ad partem propinquiorem minori basi, eādem proportionem habeat, quam frustum ad pyramidē, uel conum, uel coni portionem, cuius basis sit eadem, quæ basis maior, & altitudo frusti altitudini æqualis.

Sit frustum  $a e$  a pyramide, quæ triangularem basim habeat abscissum; cuius maior basis triangulum  $a b c$ , minor  $d e f$ ; & axis  $g h$ . ducto autem plano per axem & per lineam  $d a$ , quod sectionem faciat  $d a x l$  quadrilaterum; puncta  $K$  lineas  $b c$ ,  $e f$  bisariam secabunt. nam cum  $g h$  sit axis frusti: erit  $h$  centrum gravitatis trianguli  $a b c$ : &  $g$  centrum trianguli  $d e f$ : cen-

*s. diffi. huius.*



*Ultima e. insid. libri Archimedis.*



trum-vero cuiuslibet trianguli est in recta linea, quæ ab angulo ipsius ad dimidiâ basim ducitur ex decimatertia primi libri Archimedis de cetro gravitatis planorum. quare centrum gravitatis trapezii  $b c f e$  est in linea  $K l$ , quod sit  $m$ : & à puncto  $m$  ad axem ducta  $m n$  ipsi  $a k$ , vel  $d l$  æquidistante; erit axis  $g h$  divisus in portiones  $g n$ ,  $n h$ , quas diximus: eandem enim proportionem habet  $g n$  ad  $n h$ , quâ  $l m$  ad  $m k$ . At  $l m$  ad  $m k$  habet eam, quâ duplum lateris maioris basis  $b c$  unâ cum latere minoris  $e f$  ad duplum lateris  $e f$  unâ cum latere  $b c$ , ex ultima eiusdem libri Archimedis. Itaque à linea  $n g$  abscindatur, quarta pars, quæ sit  $n p$ : & ab axe  $h g$  abscindatur itidem quarta pars  $h o$ : & quam proportionem habet frustum ad pyramidem, cuius maior basis est triangulum  $a b c$ , & altitudo ipsi æqualis; habeat  $o p$  ad  $p q$ . Dico centrum gravitatis frusti esse in linea  $p o$ , & in puncto  $q$ . namque ipsum esse in linea  $g h$  manifeste constat. protractis enim frusti pla-

nis, quousque in unum punctum  $r$  conveniant; erit pyramidis  $a b c r$ , & pyramidis  $d e f r$  gravitatis centrum in linea  $r h$ . ergo & reliquæ magnitudinis, videlicet frusti centrum in eadem linea necessario comperietur. Iungantur  $d b$ ,  $d c$ ,  $d h$ ,  $d m$ : & per lineas  $d b$ ,  $d c$  ducto altero plano intelligatur frustum in duas pyramides divisum: in pyramidem quidem, cuius basis est triangulum  $a b c$ , vertex  $d$ : & in eam, cuius idem vertex, & basis trapezium  $b c f e$ . erit igitur pyramidis  $a b c d$  axis  $d h$ , & pyramidis  $b c f e d$  axis  $d m$ : atque erunt tres axes  $g h$ ,  $d h$ ,  $d m$  in eodem plano  $d a k l$ . ducatur præterea per  $o$  linea  $s t$  ipsi  $a K$  æquidistans, quæ lineam  $d h$  in  $u$  secet: per  $p$  uero ducatur  $x y$  æquidistans eidem, secansque  $d m$  in

s. sexti.

$z$ : & iungatur  $z u$ , quæ secet  $g h$  in  $q$ . transibit ea per  $q$ : & erunt  $q q$  unum, atque idem punctum; ut inferius apparebit. Quoniam igitur linea  $u o$  æquidistat ipsi  $d g$ , erit  $d u$  ad  $u h$ , ut  $g o$  ad  $o h$ . Sed  $g o$  tripla est  $o h$ . quare &  $d u$  ipsius  $u h$  est tripla: & ideo pyramidis  $a b c d$  centrum gravitatis erit punctum  $u$ . Rursum quoniam  $z y$  ipsi  $d l$  æquidistat,  $d z$  ad  $z m$  est, ut  $l y$  ad  $y m$ : estque  $l y$  ad  $y m$ , ut  $g p$  ad  $p n$ . ergo  $d z$  ad  $z m$  est, ut  $g p$  ad  $p n$ . Quod cum  $g p$  sit tripla  $p n$ ; erit etiam  $d z$  ipsius  $z m$  tripla. atque ob eandem causam punctum  $z$  est centrū gravitatis pyramidis  $b c f e d$ . Iam & aigitur  $z u$ , in ea erit centrū



gra-


gravitatis magnitudinis, quæ ex utrisque pyramidibus constat; hoc est ipsius frusti. Sed frusti centrum est etiam in axe  $g h$ . ergo in puncto  $\phi$ , in quo linee  $z u, g h$  conveniunt. Itaque  $u \phi$  ad  $\phi z$  eam proportionem habet, quam pyramidis  $b c f e d$  ad pyramidem  $a b c d$ . & componendo  $u z$  ad  $z \phi$ , eam habet, quam frustum ad pyramidem  $a b c d$ . Ut vero  $u z$  ad  $z \phi$ , ita  $o p$  ad  $p \phi$  ob similitudinem triangulorum,  $u o \phi, z p \phi$ . quare  $o p$  ad  $p \phi$  est ut frustum ad pyramidem  $a b c d$ . sed ita erat  $o p$  ad  $p q$ . æquales igitur sunt  $p \phi, p q$ : &  $q \phi$  unum atque idem punctum. ex quibus sequitur lineam  $z u$  secare  $o p$  in  $q$ : & propterea punctum  $q$  ipsius frusti gravitatis centrum esse.

3. primi  
libri Ar-  
chimedii  
de cen-  
tro gra-  
vita-  
tis plano-  
rum  
7. quinti.

Sit frustum  $a g$  à pyramide, quæ quadrangularent basim habeat abscissum, cuius maior basis  $a b c d$ , minor  $e f g h$ , & axis  $x l$ . dividatur autem primū  $k l$ , ita ut quam proportionem habet duplum lateris  $a b$  unā cum latere  $e f$  ad duplum lateris  $e f$  unā cum  $a b$ ; habeat  $k m$  ad  $m l$ . deinde à puncto  $m$  ad  $k$  sumatur quarta pars ipsius  $m x$ , quæ sit  $n$ . & rursus ab  $l$  sumatur quarta pars totius axis  $l k$ , quæ sit  $l o$ . postremo fiat  $o n$  ad  $n p$ , ut frustum  $a g$  ad pyramidē, cuius basis sit eadem, quæ frusti, & altitudo æqualis. Dico punctum  $p$  frusti  $a g$  gravitatis centrum esse. ducantur enim  $a c, e g$ : & intelligantur duo frusta triangulares bases habentia, quorum alterum  $l f$  ex basibus  $a b c, e f g$  constet; alterum  $l h$  ex basibus  $a c d, e g h$ . Sitq; frusti  $l f$  axis  $q r$ ; in quo gravitatis centrum  $s$ : frusti vero  $l h$  axis  $t u$ , &  $x$  gravitatis centrum: deinde iungantur  $u r, t q, x s$ . transibit  $u r$  per  $l$ : quoniam  $l$  est centrum gravitatis quadranguli  $a b c d$ : & puncta  $r u$  gravitatis centra triangulorum  $a b c, a c d$ ; in quæ quadrangulum ipsum dividitur. eadem quoque ratione  $t q$  per punctum  $k$  transibit. At vero proportionem, ex quibus frustorum gravitatis centra inquirimus, eadem sunt in toto frusto  $a g$ , & in frustis  $l f, l h$ . Sunt enim per octavam huius quadrilatera  $a b c d, e f g h$  similia:

itemq; similia triangula  $a b c$ ,  $e f g$ : &  $a c d$ ,  $e g h$ . idcircoq; latera sibi ipsis respondentia eandem inter se se proportionem seruant. Vt igitur duplum lateris  $a b$  unà cum latere  $e f$  ad duplum lateris  $e f$  unà cum  $a b$ , ita est duplum  $a d$  lateris unà cum latere  $e h$  ad duplum  $e h$  unà cum  $a d$ : & ita in aliis.

Rursus frustum  $a g$  ad pyramidē, cuius eadem est basis, & æqualis altitudo eandem proportionē habet, quam frustū  $b f$  ad pyramidē, quæ est eadē basis, & æquali altitudine: & similiter quam  $l h$  frustum ad pyramidē, quæ ex eadē basi, & æquali altitudine constat. nam si inter ipsas bases mediz proportionales constituan-



tur, tres bases simul sumptæ ad maiorem basim in omnibus eodem modo se habebunt. Vnde fit, ut axes  $K l$ ,  $q r$ ,  $t u$  à punctis  $p s x$  in eandem proportionem secantur. ergo linea  $x s$  per  $p$  transibit: & lineæ  $r u$ ,  $s x$ ,  $q t$  inter se æquidistantes erunt. Itaque cum frustū  $a g$  latera produ-  
ducta

ducta fuerint, ita ut in unum punctum  $y$  coeant, erunt tria  
 gala  $u y l$ ,  $x y p$ ,  $t y k$  inter se similia: & similia etiam triangu-  
 la  $l y r$ ,  $p y s$ ,  $k y q$ . quare ut in 19 huius, demonstrabitur  
 $x p$ , ad  $p s$ : itenq;  $t k$  ad  $p q$  eandem habere proportionē,  
 quam  $u l$  ad  $l r$ . Sed ut  $u l$  ad  $l r$ , ita est triangulum  $a b c$  ad  
 triangulum  $a c d$ : & ut  $t k$  ad  $K q$ , ita triangulum  $e f g$  ad  
 triangulum  $e g h$ . Vt autem triangulum  $a b c$  ad triangu-  
 lum  $a c d$ , ita pyramis  $a b c y$  ad pyramidem  $a c d y$ . & ut  
 triangulum  $e f g$  ad triangulum  $e g h$ , ita pyramis  $e f g y$   
 ad pyramidem  $e g h y$ ; ergo ut pyramis  $a b c y$  ad pyramidē  
 $a c d y$ , ita pyramis  $e f g y$  ad pyramidem  $e g h y$ . reliquum 12. quati  
 igitur frustū  $l f$  ad reliquum frustū  $l h$  est ut pyramis  $a b c y$   
 ad pyramidem  $a c d y$ , hoc est ut  $u l$  ad  $l r$ , & ut  $x p$  ad  $p s$ .  
 Quod cum frustū  $l f$  centrum grauitatis sit  $s$ : & frustū  $l h$  sit  
 centrum  $x$ : constat punctum  $p$  totius frustū  $a g$  grauitatis  
 esse centrum. Eodem modo fiet demonstratio etiam in  
 alijs pyramidibus.

B. Archi-  
 medis.

Sic frustum  $a d$  à cono, uel coni portione abscissum, cu-  
 ius maior basis circulus, uel ellipsis circa diametrum  $a b$ ;  
 minor circa diametrum  $c d$ : & axis  $e f$ . diuidatur autē  $e f$   
 in  $g$ , ita ut  $e g$  ad  $g f$  eandem proportionem habeat, quam  
 duplum diametri  $a b$  unā cum diametro  $c d$  ad duplum  $c d$   
 unā cum  $a b$ . Sitq;  $g h$  quarta pars lineæ  $g e$ : & sit  $f K$  item  
 quarta pars totius  $f e$  axis. Rursus quam proportionem  
 habet frustum  $a d$  ad conum, uel coni portionem, in eadē  
 basi, & æquali altitudine, habeat linea  $K h$  ad  $h l$ . Dico pun-  
 ctum  $l$  frustū  $a d$  grauitatis centrum esse. Si enim fieri po-  
 test, sit  $m$  centrum: producanturq;  $l m$  extra frustum in  $n$ :  
 & ut  $n l$  ad  $l m$ , ita fiat circulus, uel ellipsis circa diametrū  
 $a b$  ad aliud spaciū, in quo sit  $o$ . Itaque in circulo, uel  
 ellipsi circa diametrum  $a b$  rectilinea figura plane descri-  
 batur, ita ut quæ relinquuntur portiones sint  $o$  spacio mi-  
 nores: & intelligatur pyramis  $a p b$ , basin habens rectili-  
 neam figuram in circulo, uel ellipsi  $a b$  descriptam: à qua


K

frustum pyramidis sit abscissum. erit exilis quæ proxime tradidimus, frusti pyramidis a d centrum granitatis l. Quoniam igitur portiones spacio o minores sunt; habebit circulus, vel ellipsis a b ad

portiones dictas maiore  
proportionem, quàm  $n$  i  
ad  $lm$ , sed ut circulus, uel  
ellipsis  $a b$  ad portiones,  
ita  $a p b$  conus, uel coni  
portio ad solidas portio-  
nes, id quod supra demon-  
stratum est: & ut circulus

21. huius. uel ellipsis  $c d$  ad portio-  
nes, quæ ipsi insunt, ita co-  
nus, uel coni portio  $c p d$   
ad solidas ipsius portio-  
nes. Quòd cum figuræ in  
circulis, uel ellipsis  $a b$   
 $c d$  descriptæ similes sint,  
erit proportio circuli, uel  
ellipsis  $a b$  ad suas portio-  
nes, eadē, quæ circuli uel  
ellipsis  $c d$  ad suas. ergo  
conus, uel coni portio  $a p$   
 $b$  ad portiones solidas ca-  
dem habet proportionē,  
quam conus, uel coni por-  
tio  $c p d$  ad solidas ipsius  
portiones, reliquum rei-

tur coni, vel coni portio<sup>is</sup> frustū, scilicet a d ad reliquas  
portiones solidas in ipso contentas eandem proportionē  
habet, quam conus, vel coni portio a p b ad solidas portio  
nes : hoc est eandem, quam circulus, vel ellipsis a b ad por  
tiones planas. quare frustum coni, vel coni portio<sup>is</sup> a d  
ad





ad portiones solidas maiorem habet proportionē, quā n l ad l m : & diuidendo frustum pyramidis ad dictas portiones maiorem proportionem habet, quā n m ad m l. fiat igitur ut frustum pyramidis ad portiones, ita q m ad m l. Itaque quoniam a frusto conī, uel conī portionis a d, cuius grauitatis centrum est m, auferetur frustum pyramidis habens centrum l; erit reliquæ magnitudinis, quæ ex portionibus solidis constat; grauitatis cētrum in linea l m producta, atque in puncto q, extra figuram posito: quod fieri nullo modo potest. relinquitur ergo, ut punctum l sit frusti a d grauitatis centrum. quæ omnia demonstranda proponebantur.

## THEOREMA XXII. PROPOSITIO XXVII.

OMNIVM solidorum in sphaera descriptorum, quæ æqualibus, & similibus basibus continentur, centrum grauitatis est idem, quod sphaeræ centrum.

Solida eiusmodi corpora regularia appellare solent, de quibus agitur in tribus ultimis libris elementorum: sunt autem numero quinque, tetrahedrum, uel pyramis, hexahedrum, uel cubus, octahedrum, dodecahedrum, & icosaedrum.

Sit primo a b c d pyramis i sphaera descripta, cuius sphaeræ centrum sit e. Dico e pyramidis a b c d grauitatis esse centrum. Si enim iuncta d e producatur ad basim a b c in f; ex his, quæ demonstrauit Campanus in quartodecimo libro elementorum, propositione decima quinta, & decima septima, erit f centrum circuli circa triangulum a b c descripti: atque erit e f sexta pars ipsius sphaeræ axis. quare ex prima huius constat trianguli a b c grauitatis centrum esse punctum f: & idcirco lineam d f esse pyramidis axem.

At cum  $e$   $f$  sit sexta pars axis sphaerae, erit  $d$  et tripla  $e$   $f$ . ergo punctum  $e$  est gravitatis centrum ipsius pyramidis : quod in trigesima secunda huius demonstratum fuit. Sed  $e$  est centrum sphaerae. Sequitur igitur, ut centrum gravitatis pyramidis in sphaera descriptae idem sit, quod ipsius sphaerae centrum.



Sit cubus in sphaera descriptus  $a$   $b$ , & oppositorum planorum lateribus bifariam divisus, per puncta divisionum plana ducantur, ut communis ipsorum sectio sit recta lineae  $c$   $d$ . Itaque si ducatur  $a$   $b$ , solidi scilicet diameter, lineae  $a$   $b$ ,  $c$   $d$  ex trigesima nona undecimi sese bifariam secabunt. secant autem in puncto  $e$ . erit  $e$  centrum gravitatis solidi  $a$   $b$ , id quod demonstratum est in octava huius. Sed quoniam  $ab$  est sphaerae diametro aequalis, ut in decima quinta propositione tertii decimi libri elementorum ostenditur : punctum  $e$  sphaerae quoque centrum erit. Cubi igitur in sphaera descripti gravitatis centrum idem est, quod centrum ipsius sphaerae.



Sit octaedrum  $ab$   $c$   $d$   $e$   $f$ , in sphaera descriptum, cuius sphaerae centrum sit  $g$ . Dico punctum  $g$  ipsius octaedri gravitatis centrum esse. Constat enim ex iis, quae demonstrata sunt à Campano in quinto decimo libro elementorum, propositione sextadecima eiusmodi solidum dividi in duas pyramides aequales, & similes; videlicet in pyramidem,

dem, cuius basis est quadratum  $a b c d$ , & altitudo  $e g$ : & in pyramidem, cuius eadē basis, altitudoq;  $f g$ ; ut sint  $e g$ ,  $g f$  semidiametri sphaeræ, & linea una. Cū igitur  $g$  sit sphaeræ centrum, erit etiam centrum circuli, qui circa quadratū  $a b c d$  describitur: & propterea eiusdem quadrati gravitatis centrum: quod in prima propositione huius demonstratum est. quare pyramidis  $a b c d e$  axis erit  $e g$ : & pyramidis  $a b c d f$  axis  $f g$ . Itaque sit  $h$  centrum gravitatis pyramidis  $a b c d e$ , & pyramidis  $a b c d f$  centrum sit  $k$ : perspicuum est ex vigesima secunda propositione huius, lineā  $e h$  triplam esse  $h g$ : cōponendoq;  $e g$  ipsius  $g$   $h$  quadruplam. & eadē ratione  $f g$  quadruplā ipsius  $g k$ . quod cum  $e g$ ,  $g f$  sint æquales, &  $h g$ ,  $g k$  necessario æquales erunt, ergo ex quarta propositione primi libri Archimedis de centro gravitatis planorū, totius octahedri, quod ex dictis pyramidibus constat, centrum gravitatis erit punctum  $g$  idem, quod ipsius sphaeræ centrum.




Sit icosaëdrum  $a d$  descriptum in sphaera, cuius centrū sit  $g$ . Dico  $g$  ipsius icosaëdri gravitatis esse centrum. Si enim ab angulo  $a$  per  $g$  ducatur recta linea usque ad sphaeræ superficiem; constat ex sexta decima propositione libri tertii decimi elementorum, cadere eam in angulum ipsi  $a$  oppositum. cadat in  $d$ : sitq; una aliqua basis icosaëdri triangulum  $a b c$ : & iunctæ  $b g$ ,  $c g$  producantur, & cadant in angulos  $e f$ , ipsi  $b c$  oppositos. Itaque per triangula  $a b c$ ,  $d e f$  ducantur plana sphaeram secantia, erunt hæc se-

Æiones circuli ex prima propositione sphaericorum Theodosi: unus quidem circa triangulum  $abc$  descriptus: alter vero circa  $d e f$ : & quoniam triangula  $abc$ ,  $d e f$  æqualia sunt, & similia; erunt ex prima, & secunda propositione duodecimi libri elementorum, circuli quoque inter se se æquales. postremo à centro  $g$  ad circulum  $abc$  perpendicularis ducatur  $gh$ ; & alia perpendicularis ducatur ad circulum  $d e f$ , quæ sit  $gk$ ; & iungantur  $a h$ ,  $d k$ . perspicuum est ex corollario primæ sphaericorum Theodosi, punctum  $h$  centrum esse circuli  $abc$ , &  $k$  centrum circuli  $d e f$ . Quoniam igitur triangulorum  $g a h$ ,  $g d k$  latius  $a g$  est æquale lateri  $g d$ ; sunt enim à centro sphaera ad superficiem: atque est  $a h$  æquale  $d k$ : & ex sexta propositione libri primi sphaericorum Theodosi  $g h$  ipsi  $g k$ : triangulum  $g a h$  æquale erit, & simile  $g d k$  triangulo: & angulus  $a g h$  æqualis angulo  $d g k$ . sed anguli  $a g h$ ,  $h g d$  sunt æquales duobus rectis. ergo & ipsi  $h g d$ ,  $d g k$  duobus rectis æquales erunt. & idcirco  $h g$ ,  $g k$  una, atque eadem erit linea. cum autem  $h$  sit centrū circuli, & trianguli  $abc$  gravitatis centrū probabitur ex his, quæ in prima propositione huius tradita sunt. quare  $gh$  erit pyramidis  $abc g$  axis. &  $db$  eandem causam  $g k$  axis pyramidis  $d e f g$ . itaque centrum gravitatis pyramidis  $abc g$  sit punctum  $l$ , & pyramidis  $d e f g$  sit  $m$ . Similiter ut supra demonstrabimus  $m g g l$  inter se æquales esse, & punctum  $g$  gravitatis centrum magnitudinis, quæ ex utriusque pyramidibus constat. eodem modo demonstrabitur, quarumcunque duarum pyramidarum, quæ opponuntur, gravitatis centrū esse

13. primi

14. primi



esse punctum  $g$ . Sequitur ergo ut icosaedri centrum gravitatis sit idem, quod ipsius sphaerae centrum.

Sit dodecahedrum  $a$   $f$  in sphaera designatum, sitque sphaerae centrum  $m$ . Dico  $n$  centrum esse gravitatis ipsius dodecaedri. Sit enim pentagonum  $a$   $b$   $c$   $d$   $e$  una ex duodecim basibus solidi  $a$   $f$ ; & iuncta  $a$   $n$  producaturs ad sphaerae superficiem, cadet in angulum ipsi  $a$  oppositum; quod colligitur ex decima septima propositione tertitdecimi libri elementorum. cadat in  $f$ . at si ab aliis angulis  $b$   $c$   $d$   $e$  per centrum itidem lineae ducantur ad superficiem sphaerae in puncta  $g$   $h$   $k$   $l$ ; cadent hae in alios angulos basis, quae ipsi  $a$   $b$   $c$   $d$  basi opponitur. transeant ergo per pentagona  $a$   $b$   $c$   $d$   $e$ ,  $f$   $g$   $h$   $k$   $l$  plana sphaeram secantia, quae facient sectiones circulos aequales inter se se; postea ducantur ex centro sphaerae  $m$  perpendiculares ad plana dictorum circularum; ad



corol. pri  
ma sphae  
ricorum  
Theod.  
c. primi  
phaenico  
som.

ad circulum quidem  $a$   $b$   $c$   $d$   $e$  perpendicularis  $m$   $n$ ; & ad circulum  $f$   $g$   $h$   $k$   $l$  ipsa  $m$   $o$ , erunt puncta  $n$   $o$  circularum centra: & lineae  $m$   $n$ ,  $m$   $o$  inter se aequales: quod circulari aequales sint. Eodem modo, quo supra, demonstrabimus lineas  $m$   $n$ ,  $m$   $o$  in unam atque eandem lineam convenire. ergo cum puncta  $n$   $o$  sint centra circularum, constat ex prima huius & pentagonorum gravitatis esse centra: idcircoq;  $m$   $n$ ,  $m$   $o$  pyramidum  $a$   $b$   $c$   $d$   $e$   $m$ ,  $f$   $g$   $h$   $k$   $l$   $m$  axes. ponatur  $a$   $b$   $c$   $d$   $e$   $m$  pyramidis gravitatis centrum  $p$ ; & pyramidis  $f$   $g$   $h$   $k$   $l$   $m$  ipsum  $q$  centrum. erunt  $p$   $m$ ,  $m$   $q$  aequales, & punctum  $m$  gravitatis centrum magnitudinis, quae ex ipsis pyramidibus constat. eodem modo probabitur quarumlibet pyramidum, quae e regione opponuntur, centrū

grauitatis esse punctum  $m$ . patet igitur totius dodecahedri, centrum grauitatis idē esse, quod & sphaeræ ipsum comprehendentis centrum. quæ quidem omnia demonstrasse oportebat.

## PROBLEMA VI. PROPOSITIO XXVIII.


**DATA** qualibet portione conoidis rectanguli, abscissa plano ad axem recto, uel non recto, fieri potest, ut portio solida inscribatur, uel circumscribatur ex cylindris, uel cylindri portionibus, æqualem habentibus altitudinem, ita ut recta linea, quæ inter centrum grauitatis portionis, & figuræ inscriptæ, uel circumscriptæ interijcitur, sit minor qualibet recta linea proposita.

Sit portio conoidis rectanguli  $abc$ , cuius axis  $bd$ , grauitatisq; centrum  $e$ : & sit g recta linea proposita. quam uero proportionem habet linea  $b e$  ad lineam  $g$ , eandem habeat portio conoidis ad solidum  $h$ : & circumscribatur portioni figura, sicuti dictum est, ita ut portiones reliquæ sint solido  $h$  minores: cuius quidem figuræ centrum grauitatis sit punctum  $x$ . Dico lineam  $k e$  minorem esse lineam  $g$  proposita. nisi enim sit minor, uel æqualis, uel maior erit. & quoniam figura circumscripta ad reliquas portiones maiorem proportionem habet, quàm portio conoidis ad solidum  $h$ ; hoc est maiorem, quàm  $b e$  ad  $g$ : &  $b e$  ad  $g$  non minorem habet proportionem, quàm ad  $k e$ , propterea quod  $k e$  non ponitur minor ipsa  $g$ : habebit figura circumscripta ad portiones reliquas maiorem proportionem quàm  $b e$  ad  $k e$ : & diuidendo portio conoidis ad reliquas portiones habebit maiorem, quàm  $b x$  ad  $K e$ . quare si fiat ut portio conoidis

æ. quinti.

æ. quinti  
extiadi-  
tione Cæ.  
iani.

noïdis ad portiones reliquas, ita alia linea, quæ sit  $l k$  ad  $k e$ : erit  $l k$  maior, quam  $b k$ : & ideo punctum  $l$  extra portionem cadet. Quoniã igitur à figura circumscripta, cuius gravitatis centrum est  $k$ , aufertur portio conoidis, cuius centrum  $e$ . habetq;  $l k$  ad  $k e$  eam proportionem, quam portio conoidis ad reliquas portiones; erit punctum  $l$  extra portionem cadēs, centrum magnitudinis ex reliquis portionibus compositæ. illud autem fieri nullo modo potest. quare constat lineam  $k e$  ipsa  $g$  linea proposita minorem esse.



Rursus inscribatur portioni figura, uidelicet cylindrus  $m n$ , ut sit ipsius altitudo æqualis dimidio axis  $b d$ : & quam proportionem habet  $b e$  ad  $g$ , habeat  $m n$  cylindrus ad solidum  $o$ . inscribatur deinde eidem alia figura, ita ut portiones reliquæ sint solido  $o$  minores: & centrum gravitatis figuræ sit  $p$ . Dico lineam  $p e$  ipsa  $g$  minorē esse, si enim  $n$  non sit minor, eodem, quo supra modo demonstrabimus figuram inscriptam ad reliquas portiones maiorem proportionem habere, quàm  $b e$  ad  $e p$ . & si fiat alia linea  $l e$  ad  $e p$ , ut est figura inscripta ad reliquas portiones, punctum  $l$  extra por-



tionem cadet: Itaque cum à portione conoidis, cuius grauitatis centrum e auferatur inscripta figura, centrum habens p: & sit l e ad e p, ut figura inscripta ad portiones reliquas: erit magnitudinis, quæ ex reliquis portionibus constat, centrum grauitatis punctum l, extra portionem cadens. quod fieri nequit. ergo linea p e minor est ipsa g linea proposita.

Ex quibus perspicuum est centrum grauitatis figuræ inscriptæ, & circumscriptæ eo magis accedere ad portionis centrum, quo pluribus cylindris, uel cylindri portionibus constet: fiatq; figura inscripta maior, & circumscripta minor. & quanquam continenter ad portionis centrū propius admoueatur: nunquam tamen ad ipsum perueniet. sequeretur enim figuram inscriptam, nō solum portioni, sed etiam circumscriptæ figuræ æqualem esse. quod est absurdum.


#### THEOREMA XXIII. PROPOSITIO XXIX.

CVIVSLIBET portionis conoidis rectanguli axis à cētro grauitatis ita diuiditur, ut pars quæ terminatur ad uerticem, reliquæ partis, quæ ad basim sit dupla.

SIT portio conoidis rectanguli uel abscissa plano ad axem recto, uel non recto: & secta ipsa altero plano per axē sit superficiēi sectio a b c rectanguli coni sectio, uel parabole; plani abscidentis portionem sectio sit recta linea a c: axis portionis, & sectionis diameter b d. Sumatur autem in linea b d punctum e, ita ut b e sit ipsius e d dupla. Dico  
e por-



e portionis a b  
c gravitatis esse  
centrum. Divi-  
datur enim b d  
bisariam in m :  
& rursum d m,  
b bisariam divi-  
dantur in pun-  
ctis n, o: inscri-  
baturq; portio-  
ni figura solida,  
& altera circum-  
scribatur ex cy-  
lindris æqualem  
altitudinem ha-  
bentibus, ut su-  
perius dictū est.  
Sit autem pri-  
mum figura in-  
scripta cylindrus  
f g: & circūseri-  
pta ex cylindris  
a b, k l constet.  
punctum n erit  
centrum gravi-  
tatis figuræ in-  
scriptæ, mediū  
scilicet ipsius d  
m axis: atq; idē  
erit centrum cy-  
lindri a h: & cy-  
lindri k l centrū  
o, axis b m me-  
dium, quare si li



7. huius


neam on ita di  
uiterimas in p,  
ut quā propor  
tionē habet cy  
lindrus a h ad  
cylindrum x l,  
habeat linea o p  
ad p n: centrum  
grauitatis toti  
us figuræ circū  
scriptæ erit pun  
ctum p. Sed cy  
lindri, qui sunt  
æquali altitudi  
ne, eandem in  
ter se se, quā  
bales propor  
tionem habent:  
estq; ut linea d b  
ad b m, ita qua  
dratū lineæ a d  
ad quadratū ip  
sius k m, ex uige  
sima primi libri  
conicorū; & ita  
quadratum a c  
ad quadratū k  
g; hoc est circū  
lus circa diame  
trum a c ad circū  
lum circa dia  
metrum k g, du  
pla est autem li  
nea d b lineæ

u. palmi  
libri Ar-  
chimedus

sr. doc-  
develop.

**1. Background**


1. dmede-  
cimi.



b m. ergo circulus a c circuli k g: & idcirco cylindrus a h cylindri k l duplus erit. quare & linea o p depla ipsius p n. Deinde inscripta & circumscripta portio alia figura, ita ut inscripta constituatur ex tribus cylindris q r, s g, tu: circumscripta uero ex quatuor a x, y z, K v, & l: diuidantur b o, o m, m n, n d bifariam in punctis  $\mu$  &  $\pi$ . Itaque cylindri  $\delta$  l centrum gravitatis est punctum  $\mu$ : & cylindri k v centrum v. ergo si linea  $\mu$  v diuidatur in  $\sigma$ , ita ut  $\mu \sigma$  ad  $\sigma v$  proportionē eā habeat, quam cylindrus K v ad cylindrum  $\delta$  l, uidelicet quam quadratum k m ad quadratum  $\delta$  o, hoc est, quam linea m b ad b o: erit  $\sigma$  centrum magnitudinis compositæ ex cylindris k v, & l. & cum linea m b sit dupla b o, erit &  $\mu \sigma$  ipsius  $\sigma v$  dupla. præterea quoniam cylindri y z centrum gravitatis est  $\pi$ , linea  $\sigma \pi$  ita diuisa in  $\tau$ , ut  $\sigma \tau$  ad  $\tau \pi$  eam habeat proportionem, quam cylindrus y z ad duos cylindros K v, & l: erit  $\tau$  centrum magnitudinis, quæ ex dictis tribus cylindris constat. cylindrus autē y z ad cylindrum  $\delta$  l est, ut linea n b ad b o, hoc est ut 3 ad 1: & ad cylindrum k v, ut u b ad b m, uidelicet ut 3 ad 2. quare y z cylindrus duobus cylindris k v, & l æqualis erit. & propterea linea  $\sigma \tau$  æqualis ipsi  $\tau \pi$ . denique cylindri a x centrum gravitatis est punctum  $\rho$ . & cum  $\tau \rho$  diuisa fuerit in eā proportionem, quam habet cylindrus a x ad tres cylindros y z, k v, & l: erit in eo puncto centrum gravitatis totius figuræ circūscriptæ. Sed cylindrus a x ad ipsum y z est ut linea d b ad b n: hoc est ut 4 ad 3: & duo cylindri k v & l cylindro y z sunt æquales. cylindrus igitur a x ad tres iam dictos cylindros est ut 2 ad 3. Sed quoniā  $\mu \sigma$  est duarum partium, &  $\sigma v$  unius, qualium  $\mu \pi$  est sex; erit  $\sigma \pi$  partium quatuor: proptereaq;  $\tau \pi$  duarum, &  $\tau \rho$ , hoc est  $\pi \rho$  trium. quare sequitur ut punctum  $\pi$  totius figuræ circumscriptæ sit centrum. Itaque fiat v e ad v  $\pi$ , ut  $\mu \sigma$  ad  $\sigma v$ . & v p bifariam diuidatur in  $\phi$ . Similiter ut in circumscripta figura ostendetur centrum magnitudinis compositæ ex cylin-


20. primi  
composita

dris sg, tu esse  
punctum v: &  
totius figuræ in  
scriptæ, quæ cõ-  
stat ex cylindris  
qr, lg, tu esse  $\phi$   
centrum. Sunt  
enim hi cylindri  
æquales & simi-  
les cylindris yz,  
K, l,  $\lambda$ , figuræ  
circumscriptæ.  
Quoniã igitur  
ut b e ad e d, ita  
est o p ad p n;  
utraq; enim u-  
triusque est du-  
pla: erit compo-  
nendo, ut b d ad  
d e, ita o n ad n  
p; & permutan-  
do, ut b d ad o  
n, ita d e ad n p.  
Sed b d dupla  
est o n. ergo &  
e d ipsius n p du-  
pla erit, quòd si  
e d bifariam di-  
vidatur i  $\chi$ , erit  
 $\chi$  d, uel e  $\chi$  æ-  
qualis n p: &  
sublata e n, quæ  
est cõmunis u-  
trique e  $\chi$ , p n,



relin-

relinquetur  $p$  e ipsi  $n$   $\chi$  æqualis. cum autem  $b$  e sit dupla  
 $e$  d, &  $o$   $p$  dupla  $p$  n, hoc est ipsius  $e$   $\chi$ , & reliquam, uideli-  
 cet  $b$  o unà cum  $p$  e ipsius reliqui  $\chi$  d duplam erit. estque 19 quia  
 $b$  o dupla  $e$  d. ergo  $p$  e, hoc est  $n$   $\chi$  ipsius  $\chi$   $p$  dupla. sed  $d$  n  
 dupla est  $n$  e. reliqua igitur  $d$   $\chi$  dupla reliquæ  $\chi$  n. sunt au-  
 tem  $d$   $\chi$ ,  $p$  n inter se æquales: itemq; æquales  $\chi$  n,  $p$  e. qua-  
 re constat  $n$  p ipsius  $p$  e duplam esse. & idcirco  $p$  e ipsi  $e$  n  
 æqualem. Rursum cum sit  $\mu$  v dupla  $o$  v, &  $\mu$   $\sigma$  dupla  $\sigma$  v; erit  
 etiam reliqua  $\iota$   $\sigma$  reliquæ  $\sigma$  o dupla. Eadem quoque ratione  
 cōcludetur  $\pi$  v dupla  $v$  m. ergo ut  $\iota$   $\sigma$  ad  $\sigma$  o, ita  $\pi$  v ad  $v$  m:  
 componendoq; , & permutando, ut  $v$  o ad  $\pi$  m, ita  $o$   $\sigma$  ad  
 $m$  v: & sunt æquales  $\iota$  o,  $\pi$  m. quare &  $o$   $\sigma$ ,  $m$  v æquales. præ-  
 terea  $\sigma$   $\pi$  dupla est  $\pi$   $\tau$ , &  $\iota$   $\pi$  ipsius  $\pi$  m. reliqua igitur  $\sigma$  v re-  
 liquæ  $m$   $\tau$  dupla. atque erat  $\iota$   $\sigma$  dupla  $\sigma$  o. ergo  $m$   $\tau$ ,  $\sigma$  o æ-  
 quales sunt: & ita æquales  $m$  v,  $n$   $\phi$ . at  $o$   $\sigma$ , est æqualis  
 $m$  v. Sequitur igitur, ut omnes  $o$   $\sigma$ ,  $m$   $\tau$ ,  $m$  v,  $n$   $\phi$  in-  
 ter se sint æquales. Sed ut  $p$   $\pi$  ad  $\pi$   $\tau$ , hoc est ut 3 ad 2, ita  $n$  d  
 ad d  $\chi$ : permutandoq; ut  $p$   $\pi$  ad n d, ita  $\pi$   $\tau$  ad d  $\chi$ . & sit æqua-  
 les  $p$   $\pi$ , n d. ergo d  $\chi$ , hoc est n p, &  $\pi$   $\tau$  æquales. Sed etiam æ-  
 quales n  $\pi$ ,  $\pi$  m. reliqua igitur  $\pi$  p reliquæ m  $\tau$ , hoc est ipsi  
 $n$   $\phi$  æqualis erit. quare dempta  $p$  v ex  $p$  e, &  $\phi$  n dempta ex  
 $n$  e, relinquitur  $p$  e æqualis e  $\tau$ . Itaque  $\pi$ ,  $p$  centra figurarū  
 secundo loco descriptarum a primis centris  $p$  n æquali in-  
 teruallo recedunt. quod si rursus aliæ figuræ describantur,  
 eodem modo demonstrabimus earum centra æqualiter ab  
 his recedere, & ad portionis conoidis centrum propius ad-  
 moneri. Ex quibus constat lineam  $\pi$   $\phi$  à centro gravitatis  
 portionis diuidi in partes æquales. Si enim fieri potest, non  
 sit centrum in puncto e, quod est lineæ  $\pi$   $\phi$  medium: sed in  
 $\Delta$ : & ipsi  $\pi$   $\Delta$  æqualis fiat  $\phi$  v. Cum igitur in portione solida  
 quædam figura inscribi possit, ita ut linea, quæ inter cen-  
 trum gravitatis portionis, & inscriptæ figuræ interuocitur,  
 qualibet linea proposita sit minor, quod proxime demon-  
 strauimus: perueniet tandem  $\phi$  centrum inscriptæ figuræ



ad punctum  $\omega$ . Sed quoniam  $\pi$  circumscripta itidem alia figura æquali intervallo ad portionis centrum accedit, ubi primum  $\phi$  applicuerit se ad  $\omega$ , &  $\pi$  ad punctū  $\downarrow$ , hoc est ad portionis centrum se applicabit. quod fieri nullo modo posse perspicuum est. non aliter idem absurdum sequetur, si ponamus centrum portionis recedere à medio ad partes  $\omega$ ; esset enim aliquando centrum figuræ inscriptæ idem quod portionis centrū. ergo punctum  $e$  centrum erit gravitatis portionis a b c. quod demonstrare oportebat.

Quod autem supra demonstratum est in portione conoidis recta per figuras, quæ ex cylindris æqualem altitudinem habentibus constant, idem similiter demonstrabimus per figuras ex cylindri portionibus constantes in ea portione, quæ plano non ad axem recto abscinditur. ut enim tradidimus in commentariis in undecimam propositionem libri Archimedis de conoidibus & spheroidibus. portiones cylindri, quæ æquali sunt altitudinæ eam inter se se proportionem habent, quam ipsarum bases: bases autē quæ sunt ellipses similes eandem proportionem habere, quam quadrata diametrorum eiusdem rationis, ex corollario septimæ propositionis libri de conoidibus, & spheroidibus, manifeste apparet.


corol. 17  
de cono-  
idibus &  
spheroi-  
dibus.

# THEOREMA XXIII. PROPOSITIO XXX.

SI à portione conoidis rectanguli alia portio abscindatur, plano basi æquidistante; habebit portio tota ad eam, quæ abscissa est, duplam proportionem eius, quæ est basis maioris portionis ad basim minoris, uel quæ axis maioris ad axem minoris.

M

**ABSCINDATUR** à portione conoidis rectanguli  $a b c$  alia portio  $e b f$ , plano basi æquidistante: & eadem portio secetur alio plano per axem; ut superficiei sectio sit parabola  $a b c$ : planorū portiones abscindentium rectæ linæ  $a c$ , &  $e f$  axis autem portionis, & sectionis diameter  $b d$ ; quam lineæ  $e f$  in puncto  $g$  secet. Dico portionem conoidis  $a b c$  ad portionem  $e b f$  duplam proportionem habere eius, quæ est basis  $a c$  ad basin  $e f$ ; uel axis  $b d$  ad  $b g$  axem. Intelligantur enim duo coni, seu coni portiones  $a b c$ , &  $e b f$ , eādem basin, quam portiones conoidis, & æqualem habentes altitudinem. & quoniam  $a b c$  portio conoidis sesquialtera est coni, seu portionis coni  $a b c$ ; & portio  $e b f$  coni seu portionis coni  $e b f$  est sesquialtera, quod de-



monstravit Archimedes in propositionibus 13, & 14 libri de conoidibus, & sphæroidibus: erit conoidis portio ad conoidis portionem, ut conus ad conum, uel ut coni portio ad coni portionem. Sed conus, uel coni portio  $a b c$  ad conum, uel coni portionem  $e b f$  compositam proportionem habet ex proportionem basis  $a c$  ad basin  $e f$ , & ex proportionem altitudinis coni, uel coni portionis  $a b c$  ad altitudinem ipsius  $e b f$ , ut nos demonstraui in commentarijs in undecimam propositionem eiusdem libri Archimedis: altitudo autem ad altitudinem est, ut axis ad axem. quod quidem in conis rectis perspicuum est, in scalenis ue-



ro ita demonstrabitur. Ducatur à puncto  $b$  ad planum basis  $a c$  perpendicularis linea  $b h$ , quæ ipsam  $e f$  in  $K$  secet. erit  $b h$  altitudo coni, uel coni portionis  $a b c$ : &  $b K$  altitudo  $e f g$ . Quod cum lineæ  $a c, e f$  inter se æquidistant, sunt enim planorum æquidistantium sectiones: habebit  $d b$  ad  $b g$  proportionem eandem, quam  $h b$  ad  $b k$ . quare portio conoidis  $a b c$  ad portionem  $e f g$  proportionem habet compositam ex proportionem basis  $a c$  ad basim  $e f$ ; & ex proportionem  $d b$  axis ad axem  $b g$ . Sed circulus, uel ellipsis circa diametrum  $a c$  ad circulum, uel ellipsim circa  $e f$ , est ut quadratum  $a c$  ad quadratum  $e f$ ; hoc est ut quadratū  $a d$  ad quadratū  $e g$ . & quadratum  $a d$  ad quadratum  $e g$  est, ut linea  $d b$  ad lineam  $b g$ . circulus igitur, uel ellipsis circa diametrum  $a c$  ad circulum, uel ellipsim circa  $e f$ , hoc est basis ad basim eandem proportionem habet, quā  $d b$  axis ad axem  $b g$ . ex quibus sequitur portionem  $a b c$  ad portionem  $e f g$  habere proportionem duplam eius, quæ est basis  $a c$  ad basim  $e f$ : uel axis  $d b$  ad  $b g$  axem. quod demonstrandum proponebatur.

16. undecimi.  
4 sexti.


1. duodecimi  
7. de conoidibus & sphaeroidibus  
15. quinti  
20. primi conicorum

## THEOREMA XXV. PROPOSITIO XXXI.

Cuiuslibet frusti à portione rectanguli conoidis abscissi, centrum grauitatis est in axe; ita ut demptis primum à quadrato, quod fit ex diametro maioris basis, tertiā ipsius parte, & duabus tertiis quadrati, quod fit ex diametro basis minoris: deinde à tertia parte quadrati maioris basis rursus dempta portione; ad quam reliquum quadrati basis maioris unā cum dicta portione duplici proportionem habeat eius, quæ est quadrati ma-

ioris basis ad quadratum minoris: centrum sit in eo axis puncto, quo ita diuiditur ut pars, quæ minorem basim attingit ad alteram partem eandem proportionem habeat, quam dempto quadrato minoris basis à duabus tertiis quadrati maioris, habet id, quod reliquum est unà cum portione à tertia quadrati maioris parte dempta, ad reliquā eiusdem tertiæ portionem.

SIT frustum à portione rectanguli conoidis abscissum  $abed$ , cuius maior basis circulus, uel ellipsis circa diametrum  $bc$ , minor circa diametrum  $ad$ ; & axis  $ef$  describatur autem portio conoidis, à quo illud abscissum est, & pla-



no per axem ducto secetur; ut superficiæ sectio sit parabole  $b g c$ , cuius diameter, & axis portionis  $g f$ . deinde  $g f$  diuidatur in puncto  $h$ , ita ut  $g h$  sit dupla  $h f$  & rursus  $g e$  in eandem proportionem diuidatur; sitq.  $g k$  ipsius  $k c$  dupla. Iā ex his, quæ proxime demonstrauimus, constat centrum grauitatis portionis  $b g c$  esse  $h$  punctum: & portionis  $a g c$  punctum  $k$ . sumpto igitur infra  $h$  puncto  $l$ , ita ut  $k h$  ad  $h l$  eam

eam proportionem habeat, quam  $a b c d$  frustum ad portionem  $a g d$ ; erit punctum  $l$  eius frusti gravitatis cœtrum: habebitq; componendo  $K l$  ad  $l h$  proportionem eandem, quam portio conoidis  $b g c$  ad  $a g d$  portionem. Ita; quoniam quadratum  $b f$  ad quadratum  $a c$ , hoc est quadratum  $b c$  ad quadratum  $a d$  est, ut linea  $f g$  ad  $g c$ : erunt duæ tertiæ quadrati  $b c$  ad duas tertiās quadrati  $a d$ , ut  $h g$  ad  $g k$ ; & si à duabus tertiis quadrati  $b c$  demptæ fuerint duæ tertiæ quadrati  $a d$ : erit dividendo id, quod relinquitur ad duas tertiās quadrati  $a d$ , ut  $h k$  ad  $k g$ . Rursus duæ tertiæ quadrati  $a d$  ad duas tertiās quadrati  $b c$  sunt, ut  $k g$  ad  $g h$ : & duæ tertiæ quadrati  $b c$  ad tertiā partē ipsius, ut  $g h$  ad  $h f$ . ergo ex æquali id, quod relinquitur ex duabus tertiis quadrati  $b c$ , demptis ab ipsis quadrati  $a d$  duabus tertiis, ad tertiā partem quadrati  $b c$ , ut  $k h$  ad  $h f$ : & ad portionem eiusdē tertiæ partis, ad quam unā cum ipsā portione, duplam proportionem habeat eius, quæ est quadrati  $b c$  ad quadratū  $a d$ , ut  $K l$  ad  $l h$ . habet enim  $K l$  ad  $l h$  eandem proportionem, quam conoidis portio  $b g c$  ad portionem  $a g d$ : portio autem  $b g c$  ad portionem  $a g d$  duplam proportionem habet eius, quæ est basis  $b c$  ad basim  $a d$ : hoc est quadrati  $b c$  ad quadratum  $a d$ ; ut proxime demonstratum est. quare dempto  $a d$  quadrato à duabus tertiis quadrati  $b c$ , erit id, quod relinquitur unā cum dicta portione tertiæ partis ad reliquam eiusdē portionem, ut  $e l$  ad  $l f$ . Cum igitur centrum gravitatis frusti  $a b c d$  sit  $l$ , à quo axis  $e f$  in eam, quā diximus, proportionem dividatur; constat verū esse illud, quod demonstrandum proposuimus.

sol. r. conl  
columna.

30 huius

# FINIS LIBRI DE CENTRO GRAVITATIS SOLIDORVM.

Impress. Bononiæ cum licentia Superiorum,





L 19696255

i 19696371



